

卷一

鮑參軍集序

宗書無文苑遂不為鮑參軍立

傳南史因之俱附見臨川王傳

中故鮑之閱歷殊覺卓：獨虞

散騎所為集序論次頗詳差補

史闕按集中有上始興王白紵

安政七改

鮑參軍集序

藏書

歌又蒜山被始興王命作史不言曾仕始興或疑其無謂考虞序云臨川薨後始興王引為侍郎正與文字合可補史之闕者一也集中有永安令解禁止啓梅禹金駁之曰史言照為秣陵

令未嘗為永安考虞序云秣陵令又轉永安令却與文字合可補史之闕者二也集中謝秣陵令表題下註云時為中書舍人且表有遠離省闕等語明是中舍在先秣陵在後乃南史倒載

云國侍郎遷秣陵令文帝用為
中書考虞序中書舍人出為秣
陵正與文字合此可政史之訛
者三也又李周翰注文選蕪城
賦引沈約宋書云臨海王子瑱
鎮荊州照為叅軍隨至廣陵見

故城蕪蕪乃吳王濞所都照以
子瑱叛逆事同於濞為此賦以
強按宋書並無此段不知翰何
所據而稱之豈古今本瑱異耶
子瑱之荊州年甫六歲方在繼
緜安得遽有逆形鮑安得預料

有明帝他日踐祚事且明帝定
亂自立諸藩拒命子頊隨人舉
義事敗賜死年甫十一亦與吳
王濞不同想鮑賦自是懷古後
人因而傳會耳誦讀以論其世
不可不知也鮑官闕甚微而名
與顏延年謝希逸並梁陳壇苑
奉為大家沿至唐代見推杜陵
而品益貴

崇禎己巳秋日張爨題于離垢
菴

鮑明遠字明遠本上黨人家世貧賤少有文思宋

臨川王愛其才以為國侍郎王薨始與王濬又

引為侍郎孝武初除海虞令遷太學博士兼中

書舍人時主多忌以文自高照侍左右深達風

旨作諸賦述不復盡其才思出為秣陵令又轉

永安令大明五年除前軍行參軍侍臨海王鎮

荆州掌知內命尋遷前軍刑獄參軍事宋明帝

鮑明遠集舊序

鮑明遠集舊序

鮑明遠集舊序

鮑明遠集舊序

鮑明遠集舊序

鮑參軍集 卷之
初江外拒命及義嘉敗荆土震擾江陵人宋景
因亂掠城爲景所殺時年五十餘身旣遇難篇
章無遺流遷人間者往往見在儲皇博採羣言
遊好文藝片辭隻韻罔不收集照所賦述雖乏
精典而有超麗爰命陪趨備加研訪年代稍遠
零落者多今所存者儻能半焉

鮑參軍集目錄

卷之一

賦

遊思賦

觀漏賦

有序

傷逝賦

蕪城賦

芙蓉賦

園葵賦

舞鶴賦

野鵝賦 有序

尺蠖賦

飛蛾賦

卷之二

樂府

採桑

代蒿里行

代挽歌

代東門行

代放歌行

代陳思王京洛篇

代門有車馬客行

代權歌行

代白頭吟

代東武吟

代別鶴操

代出自薊北門行

代陸平原君子有所思行

代悲哉行

代陳思王白馬篇

代昇天行

松柏篇

并序

代苦熱行

代朗月行

代堂上歌行

代結客少年場行

扶風歌

代少年時至衰老行

代陽春登荆山行

代貧賤苦愁行

代邊居行

代邽街行

蕭史曲

王昭君

吳歌三首

採菱歌七首

幽蘭五首

中興歌十首

代白紵舞歌詞四首

代白紵曲二首

代鳴鴈行

擬行路難十八首

梅花落

代淮南王

代雉朝飛

代北風涼行

代空城雀

代夜坐吟

代春日行

卷之三

詩

侍宴覆舟山二首

從拜陵登京峴

蒜山被始興王命作

登廬山

登廬山望石門

從登香爐峰

從庾中郎遊園山石室

登翻車峴

登黃鶴磯

登雲陽九里埭

自礪山東望震澤

三日游南苑

贈故人馬子喬六首

答客

和王丞

日落望江贈荀丞

秋日示休上人

答休上人

釋惠休贈鮑侍郎附

吳興黃浦亭庾中郎別

與伍侍郎別

送別王宣城

送從弟道秀別

贈傅都曹別

和傅大農與僚故別

送盛侍郎餞候亭

與荀中書別

從過舊宮

從臨海王上荆初發新渚

還都道中三首

上潯陽還都道中

還都至三出望石頭城

還都口號

行京口至竹里

發後渚

岐陽守風

發長松遇雪

詠史

蜀四賢詠

擬古八首

卷之四

詩

紹古辭七首

學古

古辭

擬青青陵上栢

學劉公幹體五首

擬阮公夜中不能寐

學陶彭澤體

數詩

建除詩

白雲

臨川王服竟還田里

行藥至城東橋

園中秋散

觀圃人藝植

遇銅山掘黃精

見賣玉器者 并序

懷遠人

夢歸鄉

春羈

歲暮悲

在江陵歎年傷老

夜聽妓二首

翫月城西門解巾

喜雨

苦雨

詠白雪

三日

詠秋

秋夕

秋夜二首

和王護軍秋夕

和王義興七夕

王僧達七夕月下詩附

冬至

冬日

望水

望孤石

山行見孤桐

詠雙燕二首

酒後

講易

可愛

夜聽聲

味老

春味

字謎三首

贈顧墨曹

聯句

在荊州與張使君李居士聯句

與謝尚書莊三連句

月下登樓連句

卷之五

表疏

為柳令讓驃騎表

謝秣陵令表

解褐謝侍郎表

謝解禁止表

皇孫誕育上表

征北世子誕育上表

拜侍郎上疏

侍郎報滿辭閣疏

轉常侍上疏

謝隨恩被原疏

啓

論國制啓

謝上除啓

謝賜藥啓

謝永安令解禁止啓

通世子自解啓

重與世子啓

請假啓

又

奉始興王白紵舞曲啓

卷之六

書

登大雷岸與妹書

頌

河清頌 有序

佛影頌

銘

凌煙樓銘 有序

石帆銘

飛白書勢銘

藥奩銘

文

爪步山楬文

附錄

鮑照傳畧

沈約

鮑照傳畧

李延壽

鮑參軍集卷之一

宋東海鮑照明遠著

明閩漳張燮紹和纂

賦

遊思賦

雲徑兮海衝上潮兮送風秋水兮駕浦涼煙兮
冒虹暮氣起兮遠岸黑陽精滅兮天際紅波茫
茫兮無底山森森兮萬重平隰兮巨岸通川兮
瀉壑仰盡兮天經俯窮兮地絡望波際兮曇曇

眺雲間兮灼灼乃江南之斷山信海上之飛鶴
指煙霞而問鄉窺林嶼而訪泊撫身事而識苦
念親愛而知樂苦與樂其何言悼人生之長役
捨堂宇之密親坐江潭而爲客對蒹葭之遂黃
視零露之方白鴻晨驚以響湍泉夜下而鳴石
結中洲之雲蘿託綿思於遙夕瞻荆吳之遠山
望邯鄲之長陌塞風馳兮邊草飛胡沙起兮鴈
揚翩雖燕越之異心在禽鳥而同感悵收情而
投淚遣繁悲而自抑此日中其幾時彼月滿而
將蝕生無患於不老奚引憂以自逼物因節以
卷舒道與運而升息賤賣卜以當墟隱我耕而
子織誠愛秦王之奇勇不願絕筋而稱力已矣
哉使豫章生而可知夫何異乎叢棘

若... 賦

... 賦

觀漏賦 有序

客有觀於漏者退而歎曰夫及遠者箭也而定遠非箭之功為生者我也而制生非我之情故自箭而為心不可憑者絃因生以觀我不可恃者年憑其不可恃故以悲哉况乎沉華密遠輕波潛耗而感神嬰慮者又自外而傷壽以是思生生亦勤矣乃為賦云

佩流歎於馳年纓華思於奔月結蘭若以望楚弄參差以歌越撫凝肌於遷滯鑑雕容於髮鬢

景有墜而易昏憂無方而難歇歷攻階而升奧
訪金壺之盈闕觀騰波之吞寫視驚箭之登沒
箭旣沒而復登波長瀉而弗歸注沉穴而海漏
射懸塗而電飛堦戶牖而知天掩雲霧而測暉
劊百齡於纖隱積千里於空微彼崢嶸而行溢
此冉冉而逾衰撫寸心而未改指分光而永違
昔傷矢之奔禽聞虛弦之顛仆徒嬰刃而知懼
豈潛機之能覺惟生經之霍靡亦悲長而權促
恒證古而秉心抱空意其如玉波沉沉而東注
日滔滔而西屬落繁馨於纖草殞豐華於喬木
對曷離而後歌據窮蹊而方哭雖接薪之更傳
寧絕明之還續貫古今而并念信寡易而多難
時不留乎激矢生乃急於走丸旣河源之莫壅
又吹波而助瀾神怵迴而多慮心鞅轆而歎歡
望天涯而佇念擢雄劔而長歎嗟生民之永迷
躬與後而皆恤死零落而無二生差池之非一
理幽分於化前筭冥定於天秩與艾骨而招病
猶剗腸而興疾情殊用而俱盡事離方而同失

聊弭志以高歌順煙雨而沉逸於是隨秋鴻而
汎渚逐春鷺而登梁進賦詩而展念退陳酒以
排傷物不可以兩大時無得而雙昌薰晚華而
後落槿早秀而前亡姑屏憂以愉思樂茲情於
寸光從江河之紆直委天地之圓方漏盈兮漏
虛長無絕兮芬芳

傷逝賦

晨登南山望美中阿露團秋槿風卷寒蘿悽愴
傷心悲如之何盡若窮煙離若剪絃如影滅地
猶星殞天棄華宇於明世閉金扃於下泉永山
河以自畢眇千齡而弗旋思一言於向時邈衆
代於古年逝稍遠而變體浸幽明而改時覽篇
迹之如旦婉遺意而在茲忽若謂其不然自惆
悵而驚疑循堂廡而下降歷幃戶而升基服委
襟而褫帶噐蒙管而韜絲志存業而遺績身先

物而長辭豈重歡而可覲追前感之無期寒往
暑來而不窮哀極樂反而有終燧已遷而禮革
月旣逾而慶通心微微而就遠跡離離而絕容
白日藹而回陰閨館寂而深重冀憑靈於前物
佇美目乎房櫳徒望思於永久邈歸來其何從
結單心於暮條掩行淚於晨風念沉悼而誰劇
獨嬰衰於逝躬草忌霜而逼秋人惡老而逼衰
誠衰老之可忌或甘願而志違彼一息之短景
乃累恨之長暉尋平生之好醜成黃塵之是非
將滅耶而尙在何有去而無歸惟桃李之零落
生有促而非天觀龜鶴之千祀年能富而情少
反靈質於二塗亂感悅於雙抱日月飄而不留
命倏忽而誰保譬明隙之在梁如風露之停草
髮迎憂而送華貌先悴而收藻共甘苦其幾人
曾無得而偕老拂埃琴而抽思啓陳書而遐討
自古來而有之夫何怨乎天道

變此憂而念華膠決弊而來葉共甘苦其幾入
 命到忽而指利警而期之式聚散則國之膏草
 又靈寶外一坐瀛洲神氣發其日以靈而不留
 坐有以而非天騰離離之子顯幸海富或龍或
 深越平而尚五何其去而無龍神物李之夢寐

蕪城賦

灞池平原南馳蒼梧漲海北走紫塞鴈門拖以
 漕渠軸以崑岡重江複關之奧四會五達之莊
 當昔全盛之時車挂轄人駕肩屢閉撲地歌吹
 沸天孳貨鹽田鏟利銅山才力雄富士馬精妍
 故能侈秦法佚周令劃崇墉剝濬洫圖修世以
 休命是以板築雉堞之殷井幹烽櫓之勤格高
 五嶽袤廣三墳崒若斷岸矗似長雲製磁石以
 禦衝糊頽壤以飛文觀基扃之固護將萬祀而

一君出入三代五百餘載竟瓜剖而豆分澤葵
依井荒葛罽途壇羅虺蜮階闕麇鼯木魅山鬼
野鼠城狐風啤雨嘯昏見晨趨饑鷹厲吻寒鴟
嚇雛伏魘藏虎乳血餐膚崩榛塞路崢嶸古虓
白楊早落寒草前衰稜稜霜氣蔌蔌風威孤蓬
自振驚沙坐飛灌莽杳而無際叢薄紛其相依
通池旣已夷峻隅又已頽直視千里外唯見起
黃埃凝思寂聽心傷已摧若夫藻扃黼帳歌堂
舞閣之基璇淵碧樹弋林釣渚之館吳蔡齊秦
之聲魚龍爵馬之玩皆薰歇燼滅光沈響絕東
都妙姬南國麗人蕙心紕質玉貌絳唇莫不埋
魂幽石委骨窮塵豈憶同輦之愉樂離宮之苦
辛哉天道如何吞恨者多抽琴命操爲蕪城之
歌歌曰邊風起兮城上寒井徑滅兮丘隴殘千
齡兮萬代共盡兮何言

煇煇曰：曼風賦，令淑士，寒井，密，令，正，翻，致，干。
辛，姑，天，苗，收，何，吞，別，皆，多，味，琴，合，對，無，其，之。
朕，幽，百，委，骨，頤，望，首，對，同，聲，之，神，樂，新，宮，之，昔。
潘，妙，歌，南，國，麗，入，蕙，心，採，實，王，影，峯，密，莫，不，世。
之，贊，魚，龍，寶，鼎，之，冠，以，尊，重，州，對，無，其，之，昔，警，發，東。

芙蓉賦

感衣裳於楚賦，詠憂思於陳詩，訪群英之艷絕，
標高名於澤芝，會春陂乎夕張，舉芙蓉而水嬉，
抽我衿之桂蘭，點子吻之瑜辭，選群芳之徽號，
抱茲性之清芬，稟若華之驚絕。

單區陽之妙手，測浣池之光潔，爍彤輝之明媚，
粲雕霞之繁悅，顧椒丘而非偶，豈園桃而能埒，
彪炳以蒨藻，翠景而紅波，青房兮規接，紫的兮
圓羅，樹妖媯之弱幹，散菡萏之輕荷，上星光而

倒景下龍鱗而隱波戲錦鱗而夕映曜繡羽以
晨過結游童之湘吹起榜妾之江歌備日月之
溫麗非盛明而謂何若乃當融風之暄盪承暑
雨之平渥被瑤塘之周流繞金渠之屈曲排積
霧而揚芬鏡洞泉而含綠葉折水以爲珠條集
露而成玉潤蓬山之瓊膏輝葱河之銀燭冠五
華於仙草超四照於靈木雜衆姿於開卷閱群
貌於昏明無長袖之容止信不笑之空城森紫
葉以上擢紛湘蘂而不傾根雖割而瑄徹柯旣
解而絲縈感盛衰之可懷質始終而常清故其
爲芳也綢繆其爲媚也奔發對救則色殊比蘭
則香越汎明彩於宵波飛澄華於曉月陋荆姬
之朱顏咲夏女之光髮恨狎世而貽賤徒愛存
而賞沒雖凌群以擅竒終從歲而零歇

而賞茲輟茲藉以獻音紛紛遠而零竭

之未賸知夏女之心未變則將世而頌烈封愛亦

頌香滋我州參於澤以成德率於朝日國傑歌

嘉芳也騰譽其爲獻也於茲博採異色蒸北商

嶺而絲繁風極其心可對賢哉終而常載於其

園葵賦

風煖凌開土昌泉動游塵曝日鳴雉依隴主人
拂黃冠杖藜杖布蔬種平圻壤通畔修直膏畝
夷敞白莖紫蒂豚耳鴨掌溝東陌西行三畦兩
旣區旣鉏乃露乃映勾萌欲伸藜牙將放爾乃
晨露夕陰霏雲四委沉雷遠震飛雨輕灑徐未
及晞疾而不靡柔苴爰秀剛甲以解稚葉萍布
弱陰競抽萋萋翼翼沃沃油油下葳蕤而被逕
上參差而覆疇承朝陽之麗景得傾柯之所投

仕非魯相有不拔之利賓非二仲無逸馬之憂
顧董茶而莫偶豈蘋藻之薦羞若乃鄰老談稼
女嫗歸桑拂此葦席炊彼稌梁甃壺援醢曲瓢
卷漿乃羹乃滹堆鼎盈筐甘旨倩脆柔滑芬芳
消淋逐水潤胃調腸於是旣飫徹盤投筋回小
人之腹爲君子之慮近觀物運遠訪師聖聲數
後彰律理前定烏非黔黑鶴豈浴淨彼圓行而
方止固得之於天性伊冬筴是而夏裘無雙功而
金盛盪然任心樂道安命春風夕來秋日晨爽
獨酌南軒擁琴孤聽篇章間作以歌以詠魚深
沉而鳥高飛孰知美色之爲正

歸齋集卷一

武而息高派掠朕美
酒南神琳琴瓜離
音章聞於以無以
清

舞鶴賦

散幽經以驗物偉胎化之仙禽鍾浮曠之藻質
抱清迥之明心指蓬壺而翻翰望崑閬而揚音
匝日域以廻鶩窮天步而高尋踐神區其既遠
積靈祀而方多精含丹而星耀頂凝紫而煙華
引圓吭之纖婉頓修趾之洪姱疊霜毛而弄影
振玉羽而臨霞朝戲於芝田夕飲乎瑤池厭江
海而游澤掩雲羅而見羈去帝鄉之岑寂歸人
寰之喧卑歲崢嶸而催暮心惆悵而哀離於是

窮陰殺節急景凋年涼沙振野箕風動天嚴嚴
苦霧皎皎悲泉冰塞長河雪滿群山旣而霧昏
夜歇景物澄廓星翻漢迴曉月將落感寒雞之
早晨憐霜鴈之違漠臨驚風之蕭條對流光之
照灼啖清響於丹墀舞飛容於金閣始連軒以
鳳蹕終宛轉而龍躡躑徘徊振迅騰摧驚身
蓬集矯翅雪飛離網別赴合緒相依將與中止
若往而歸颯杳矜顧遷延遲暮逸翮後塵翺翥
先路指會規翔臨岐矩步態有遺妍貌無停趣

奔機逗節角睽分形長揚

一作楊翹綴驚並翼連聲

輕迹凌亂浮影交橫衆變繁姿參差洊密煙交
霧凝若無毛質風去雨還不可談悉旣散魂而
盪目迷不知其所之忽星離而雲罷整神容而
自持仰天居之崇絕更惆悵以驚思當是時也
燕姬色沮巴童心恥巾拂雨停九劔雙止雖邯
鄲其敢偷豈陽阿之能擬入衛國而乘軒出吳
都而傾市守馴養於千齡結長悲於萬里

繡戶眺左右之金扇貌織殺而含悴心翻越而
慙驚若墜淵而墮谷悅不知其所寧惟君囿之
珍麗實妙物之所殷翔海澤之輕鷗巢天宿之
鳴鶉鷓程材於梟猛翬薦體之雕文旣敷容以
照景亦避翮而排雲雖居物以成偶終在我以
非群望征雲而延悼顧委翼而自傷無青雀之
銜命乏赤鴈之嘉祥空穢君之園池徒慙君之
稻梁願引身而剪迹抱末志而幽藏於是流歲
遂遠慘節方崇雲纏海岱風拂峭壑飛霧馳霰
飄沙舞蓬視清池之初涸望綠林之始空立菰
蒲之寒渚託隻影而爲雙宛拔啄而掩背悲結
悵而滿胷處朝晝而雅念假外見而遷楫涉修
夜之長寂信專思而知哀風梢梢而過樹月蒼
蒼而照臺冰依岸而早結霜託草而先摧斂雙
翮於水喬翹孤趾於林隈情無方而雨集事有
限而星垂在俄頃而猶悼矧窮生之所懷聞宿
世之高賢澤無微而不均育草木而明義愛禽
鳥而昭仁全殞卵而來鳳放乳麕而感麟雖陋

生於萬物若沙漠之一塵苟全軀而畢命庶魂報以自申

蒼而照臺水外半而早詠歌信草而次歸煥雙
齊之長寐言專思而朕京風辭辭而風樹具養
謝而蕭曾盡時晝而報念則水良而憂然無多
蕭之寒前信斐揚而為謝後汝而為謝後悲
願必幾蓋斯青出之於隱室與林之於空三五

尺蠖賦

智哉尺蠖觀機而作伸非向厚屈非向薄當
泉淳遇躁風驚起軒軀以曠跨伏累氣而併形
冰炭弗觸鋒刃靡迂逢嶮蹙跨值夷舒步忌好
退之見猜哀必進而為蠹每驥首以瞰途常佇
景而翻露故身不豫託地無前期動靜必觀於
物消息各隨乎時從方而應何慮何思是以軍
筭慕其權國容擬其變高賢圖之以隱淪智士
以之而藏見笑靈蛇之久蟄羞龍德之方戰理

害道而爲尤事傷生而感賤苟見義而守勇豈
專取於弦箭

飛蛾賦

仙鼠伺闇飛蛾候明均靈舛化詭欲齊生觀齊
生而欲詭各會住以憑方凌焦煙之浮景赴照
燄之明光拔身幽草下畢命在此堂本輕死以
邀得雖糜爛其何傷豈學山南之文豹避雲霧
而巖藏

已見前

幾許難親其何所首望山南
細之則次其幽昔十年命
主而游諸各會出以
山風同開
深淵

鮑參軍集卷之二

宋東海鮑照明遠著

明閩漳張燮紹和纂

樂府

採桑 以下五言

季春梅始落。工女事蠶作。採桑淇洧間。還戲上
宮閣。早蒲時結陰。晚篁初解籜。藹藹霧滿閨。融
融景盈幕。乳燕逐草蟲。巢蜂拾花萼。是節最暄
妍。佳服又新爍。綿玉臺作斂歎對迴塗。揚歌弄場藿。

鮑參軍集 卷二
抽琴試杼思薦珮果成託承君郢中美服義久
心諾衛風古愉艷鄭俗舊浮薄靈願悲渡湘宓
賦笑漣洛盛明難重來淵意爲誰涸君其且調
絃桂酒妾行酌

代蒿里行

同盡無貴賤殊願有窮伸馳波催永夜零露逼
短晨結一作驅我幽山駕去此滿堂親虛容遺劍
佩實貌戢衣巾斗酒安可酌尺書誰復陳年代
稍推遠懷抱日幽淪人生良自劇天道與何人
齋我長恨意歸爲狐兔塵

代挽歌

獨處重冥下憶昔登高臺傲岸平生中不爲物
所裁埏門只復閉白蟻相將來生時芳蘭體小
蟲今爲災玄鬢無復根枯體依青苔憶昔好飲
酒素盤進青梅彭韓及廉藺疇昔已成灰壯士
皆死盡餘人安在哉

代東門行

傷禽惡弦驚倦客惡離聲離聲斷客情賓御皆

滂零涕零心斷絕。將去復還訣。一息不相知。何
况異鄉別。遙遙征駕遠。杳杳白日晚。居人掩閨
卧。行子夜中飯。野風吹草木。行子心腸斷。食梅
常苦酸。衣葛常苦寒。絲竹徒滿座。憂人不解顏。
長歌欲自慰。彌起長恨端。

代放歌行

蓼蟲避葵董。習苦不言非。小人自齷齪。安知曠
士懷。雞鳴洛城裏。禁門平旦開。冠蓋縱橫至。車
騎四方來。素帶曳長飈。華服結遠埃。日中安能
止。鐘鳴猶未歸。夷世不可逢。賢君信愛才。明慮
自天斷。不受外嫌猜。一言分珪爵。片善辭草萊。
豈伊白璧賜。將起黃金臺。今君有何疾。臨路獨
遲迴。

代陳思王京洛篇

玉臺作煌
煌京洛

鳳樓十二重。四戶八綺窓。繡桷金蓮花。桂柱玉
盤龍。珠簾無隔露。羅幌不勝風。寶帳三千所。爲
爾一朝容。揚芬紫煙上。垂綵綠雲中。春吹回白
日。霜高落塞鴻。但懼秋塵起。盛愛逐衰蓬。坐視

魚...集 卷二
三
青苔滿。卧對錦筵空。琴瑟縱橫散。舞衣不復縫。
古來其歇薄。君意豈獨濃。唯見雙黃鵠。千里一
相從。

代門有車馬客行

門有車馬客。問客何鄉士。捷步往相訊。果得舊
鄰里。悽悽聲中情。慊慊增下俚。語昔有故悲。論
今無新喜。清晨相訪慰。日暮不能已。歡戚競尋
緒。談調何終止。辭端竟未究。忽唱分途始。前悲
尙未弭。後感方復起。嘶聲盈我口。談言在君耳。
手迹可傳心。願爾篤行李。

代權歌行

羈客離嬰時。飄颻無定所。昔秋寓江介。茲春客
河滸。往戢于役身。願言永懷楚。冷冷儵䟽潭。邕
邕鴈循渚。颺戾長風振。搖曳高帆舉。驚波無留
連。舟人不躊竚。

代白頭吟

直如朱絲繩。清如玉壺冰。何慙宿昔意。猜恨坐
相仍。人情賤恩舊。世議逐衰興。毫髮一爲瑕。丘

山不可勝。食苗實碩。鼠點白信。蒼蠅鳧鵠。遠成
美。薪芻前見陵。申黜褒女。進班去趙。姬升周王。
日淪惑。漢帝益嗟稱。心賞猶難恃。貌恭豈易憑。
古來共如此。非君獨撫膺。

代東武吟

主人且勿誼。賤子歌一言。僕本寒鄉士。出身蒙
漢恩。始隨張校尉。占一作君募到河源。後逐李輕
車。追虜窮塞垣。密塗亘萬里。窻歲猶七奔。肌力
盡。鞍甲心思歷涼溫。將軍旣下世。部曲亦罕存。

時事一朝異。孤績誰復論。少壯辭家去。窮老還
入門。腰鎌刈葵藿。倚杖牧鷄豚。昔如韞上鷹。今
似檻中猿。徒結千載恨。空負百年怨。棄席思君
幄。疲馬戀君軒。願垂晉主惠。不愧田子魂。

代別鶴操

雙鶴俱起時。徘徊滄海間。長弄若天漢。輕軀似
雲懸。幽客時結侶。提携遊三山。青繳凌瑤臺。丹
羅籠紫煙。海上悲風急。三山多雲霧。散亂一相
失。驚旅不得住。緬然日月馳。遠矣絕音儀。有願

而不遂無怨以生離鹿鳴在深草蟬鳴隱高枝
心自有所存一作懷旁人那得知

代出自薊北門行

羽檄起邊亭烽火入咸陽徵騎屯廣武分兵救
朔方嚴秋筋竿勁虜陣精且彊天子按劍怒使
者遙相望雁行緣石徑魚貫度飛梁簫鼓流漢
颺旌甲被胡霜疾風衝塞起沙礫自飄揚馬毛
縮如蝟角弓不可張時危見臣節世亂識忠良
投軀報明主身死爲國殤

代陸平原君子有所思行

西上登雀臺東下望雲闕層閣肅天居馳道直
如髮繡甍結飛霞璇題納行月築山擬蓬壺穿
池類溟渤選色遍齊岱徵聲匝邛越陳鐘陪夕
讌笙歌待明發年貌不可還身意會盈歇蟻壤
漏山阿善作河絲淚毀金骨噐惡含滿歆物忌厚
生沒智哉衆多士服理辨昭晰

代悲哉行

舊集載此樂府作謝惠連

羈人感淑節緣感欲回轍我行詎幾時華實驟

舒結覩實情有悲瞻華意無悅覽物懷同志如
何復乖別翩翩翔禽羅關關鳴鳥列翔鳴尚儔
偶所歎獨乖絕

代陳思王白馬篇

白馬駢角弓鳴鞭乘北風要途問邊急雜虜入
雲中閉壁自往夏清野徑還冬僑裝多闕絕旅
服少裁縫埋身守漢境一作節沈命對胡封薄暮
塞雲起飛沙被遠松含悲望兩都楚歌登四墉
丈夫設計誤懷恨逐邊戎棄一作罷別中國愛邀

冀胡馬功去來今何道卑賤生所鍾但令塞上
兒知我獨為雄

代昇天行

家世宅關輔勝帶宦王城備聞十帝事委曲兩
都情倦見物興衰驟覩俗屯平翩翩若回掌恍
惚似朝榮窮途悔短計晚志重一作愛長生從師
入遠嶽結友事仙靈五圖一作芝發金記九籀隱
丹經風餐委松宿雲卧恣天行冠霞登綵閣解
玉飲椒庭暫遊越萬里少一作近別數千齡鳳臺

無還駕簫管有遺聲何當與汝曹啄腐共吞腥

松柏篇 弁序

余患脚上氣四十餘日知舊先借傳玄集以
余病劇遂見還開袞適見樂府詩龜鶴篇於
危病中見長逝詞惻然酸懷抱如此重病彌
時不差呼吸乏喘舉目悲矣火藥間闕而擬
之

松柏受命獨歷代長不衰人生浮且脆駝若晨
風悲東海遙逝川西山導落暉南廓一作悅籍

郊

短蒿里收未歸諒無疇昔時百病起盡期志士
惜牛刀恐勉自療治領家行藥事顛沛去迎醫
徒備火石苦奄至不得辭龜齡安可獲岱宗限
已迫睿聖不得留爲善何所益捨此赤縣居就
彼黃墟宅未離九原親長與三辰隔屬纊生望
盡闔棺世業埋事痛存人心恨結亡者懷祖葬
旣云及壙塋亦已開室族內外哭親踈同共哀
外姻遠近至名列通夜臺扶輿出殯宮低回戀
庭室天地有盡期我去無還日居者今已盡人

事從此畢火歇煙旣沒形銷聲亦滅鬼神來依
我生人未辭訣大暮杳悠悠長夜無時節鬱湮
重冥下煩冤難具說安寢委沈寔戀戀念平生
事業有餘結刊述未及成資儲無擔石兒女皆
孩嬰一朝放捨去萬恨纏我情追憶世上事束
教已自拘明發靡怡愈夕歸多憂虞轍閒晨逕
荒撤宴式酒濡知今暝日苦恨失爾時娛遙遙
遠民居獨埋深壤中墓前人跡滅冢上草日豐
空林響鳴蜩高松結悲風長寐無覺期誰知逝
者窮生存處交廣連榻舒華茵已沒一何苦楛
哉不容身昔日平居時晨夕對六親今日掩柩
何一見無諧因禮席有降殺三齡速過隙几筵
就收撤室宇改疇昔行女遊歸途仕子復王役
家世本平常獨有亡者劇時祀望歸來四節靜
塋丘孝子撫墳號父今知來不欲還心依戀欲
見絕無由煩冤荒隴側肝心盡崩抽

代苦熱行

赤阪橫西阻火山赫南威身熱頭且痛鳥墜魂

魚... 卷二
來歸湯泉發雲潭。焦煙起石圻。日月有恒昏。雨
露未嘗晞。丹蛇踰百尺。玄蜂盈十圍。含沙射流
影。吹蠱病行暉。瘴氣晝薰體。南露夜霑衣。饑猿
莫下食。晨禽不敢飛。毒涇尚多死。度瀘寧具腓。
生軀陷死地。昌志登禍機。戈船榮旣薄。伏波賞
亦微。爵輕君尚惜。士重安可希。

代朗月行

朗月出東山。照我綺窓前。窓中多佳人。被服妖
且妍。靚粧坐帷裏。當戶弄清絃。鬢奪衛女迅。體
絕飛燕先。爲君歌一曲。當作朗月篇。酒至顏自
解。聲和心亦宣。千金何足重。所存意氣間。

代堂上歌行

四坐且莫諠。聽我堂上歌。昔仕京洛時。高門臨
長河。出入重宮裏。結友曹與何。車馬相馳逐。賓
朋好容華。陽春孟春月。朝光散流霞。輕步逐芳
風。言笑弄丹葩。暉暉朱顏酡。紛紛織女梭。滿堂
皆美人。目成對湘娥。雖謝侍君閑。明粧帶綺羅。
箏笛更彈吹。高唱好相和。萬曲不關心。一曲動

鮑參軍集 卷二 十
情多欲知情厚薄更聽此聲過

代結客少年場行

驄馬金絡頭錦帶佩吳鉤。失意杯酒間白刃起
相讐。追兵一旦至負劔遠行遊。去鄉三十載復
得還舊丘。升高臨四關表裏望皇州。九衢平若
水雙闕似雲浮。扶宮羅將相夾道列王侯。日中
市朝滿車馬若川流。擊鐘陳鼎食方駕自相求。
今我獨何爲。婚塲懷百憂。

扶風歌

昨辭金華殿。今次鴈門縣。寢卧握秦戈。棲息抱
越箭。忍悲別親知行泣。隨征傳寒煙。空徘徊朝
日。乍舒卷。

代少年時至衰老行

憶昔少年時。馳逐好名晨。結友多貴門。出入宮
兒鄰。綺羅艷華風。車馬自揚塵。歌唱青齊女。彈
箏燕趙人。好酒多芳氣。餽味厭時新。今日每相
念。此事邈無因。寄語後生子。作樂當及春。

代陽春登荆山行

且登荆山頭崎嶇道難遊早行犯霜露苔滑不
可留極眺入雲表窮日盡帝州方都列萬室層
城帶高樓奕奕朱軒馳紛紛縞衣流日氛映山
浦暄霧逐風收花木亂平原桑柘綿平疇攀條
弄紫莖藉露折芳柔遇物雖成趣念者不解憂
且共傾春酒長歌登山丘

代貧賤苦愁行

湮沒雖死悲貧苦卽生劇長歎至天曉愁苦窮
日夕盛顏當少歎鬢髮先老白親友四面絕明
知斷三益空庭慙樹萱藥餌愧過客貧年忘日
時黧顏就人惜俄頃不相酬慙愧面已赤或以
一金恨便成百年隙心爲千條計事未見一獲
運圯津塗塞遂轉死溝洫以此窮百年不如還
窀穸

代邊居行

少年遠京陽遙遙萬里行陋巷絕人徑茅屋推
山岡不覩車馬迹但見麋鹿場長松何落落丘
隴無復行邊地無高木蕭蕭多白楊盛年日月

盡一去萬恨長悠悠世中人爭此錐刀忙不憶
貧賤時富貴輒相忘紛紛徒滿目何關慨予傷
不如一畝中高會挹清漿遇樂便作樂莫使候
朝光

代邽街行

一作去邪行

竚立出門衢遙望轉蓬飛蓬去舊根在連翩逝
不歸念我捨鄉俗親好久乖違慷慨懷長想惆
悵戀音微人生隨事變遷化焉可祈百年難必
果千慮易盈虧

蕭史曲

樂府作鮑照藝文作張華然此詩詞格不類晉人當以樂府爲正

蕭史愛長年羸女羞童顏火粒願排棄霞霧好
登攀龍飛逸天路鳳起出秦關身去長不返簫
聲時往還

王昭君

旣事轉蓬遠心隨鴈路絕霜鞞旦夕驚邊笳中
夜咽

吳歌三首

夏口樊城岸曹公却月戍但觀流水還識是儂

流下

夏口樊城岸、曹公却月樓、觀見流水還、識是儂
淚流。

人言荆江狹、荆江定自濶、五兩了無聞、風聲那
得達。

採菱歌七首

鶩船馳桂浦、息棹偃椒潭、簫弄澄湘北、菱歌清
漢南。

屏榜寒蕙蕩、停唱紉薰若、含傷拾泉花、營念採
雲萼。

睽濶逢暄新、悽怨值妍華、秋心不可盪、春思亂
如麻。

要艷雙嶼裏、望笑兩洲間、裊裊風出浦、容容樂府
作沈日向山。

煙曠越嶂深、箭迅楚江急、空抱琴中悲、徒望近
關泣。

緘歎凌珠淵、收慨上金堤、春芳行歇落、是人方
未齊。

思今懷近憶望古懷遠識懷古復懷今長懷無
終極。

幽蘭五首

傾輝引暮色孤景留思顏梅歇春欲罷期渡往
不還。

簾委蘭蕙露帳含桃李風攬帶昔何道坐令芳
節終。

結佩徒分明抱梁輒乖忤華落知不終空愁坐
相誤。

耿耿蛸挂網漠漠蠶弄絲空慙不自信怯與君
畫期。

陳國鄭東門古今共所知長袖暫徘徊駟馬停
路岐。

中興歌十首

千冬遲一春萬夜視朝日生平值中興歡起百
憂畢。

中興太平運化清四海樂祥景照玉臺紫煙遊
鳳閣。

魚... 卷二
碧樓含夜月紫殿爭朝光綵池散蘭麝風起自
生芳

白日照前窓玲瓏綺羅中美人掩輕扇含思歌
春風

三五容色滿四五妙華歇已輪春日歡分隨秋
光沒

非出湖邊戲前還苑中遊飛縠繞長松馳管逐
波流

九月秋水清二月春花滋千金逐良日皆競中

興時

窮泰已有分壽夭復屬天既見中興樂莫持憂
自煎

襄陽是小地壽陽非帝城今日中興樂遙冶在
上京

梅花一時艷竹葉千年色願君松柏心採照無
窮極

代白紵舞歌詞四首

以下
七言

吳刀楚製爲佩褱織羅霧縠垂羽衣含商咀徵

歌露晞珠履。颯沓統袖飛。淒風夏起素雲回。車
怠馬煩客忘歸。蘭膏明燭承夜輝。

桂宮柏寢擬天居。朱爵文窓韜綺䟽。象牀瑤席

鎮犀渠。雕屏匝組帷。一作帳舒秦箏。趙瑟挾笙

竽。垂璫散珮盈。玉除停觴不御欲。誰須

三星參差露霑濕。絃悲管清月將入。寒光蕭條

候。蟲急荆王流歎楚妃泣。紅顏難長時。易戢凝

華結藻久延立。非君之故豈安集。

池中赤鯉庖所捐。琴高乘去騰上天。命逢福世

丁溢恩。一作徽命逢福簪金藉綺升曲筵。思君

德委如山潔誠洗。志期暮年烏白馬。角盃足言

代白紵曲二首

朱唇動素腕舉。洛陽少年邯鄲女。古稱淥水今

白紵。催絃急管爲君舞。窮秋九月荷葉黃。北風

驅鴈天雨霜。夜長酒多樂未央。

春風澹蕩俠思多。天色淨淥氣妍和。含桃紅萼

蘭紫芽。朝日灼爍發園華。卷幌結帷羅玉筵。齊

謳秦吹盧女絃。千金顧笑買芳年。

代鳴鴈行

邕邕鳴鴈鳴始旦。齊行命旅入雲漢。中夜相失羣離亂。留連徘徊不忍散。憔悴容儀君不知。辛苦風霜亦何爲。

擬行路難十八首

以下雜言

奉君金卮之美酒。璵璠玉匣之雕琴。七綵芙蓉之羽帳。九華蒲萄之錦衾。紅顏零落歲將暮。寒光宛轉時欲沈。願君裁悲且減思。聽我抵節行路吟。不見柏梁銅雀上。寧聞古時清吹音。

洛陽名工鑄爲金。轉山千斷復萬鏤。上刻秦女攜手仙。承君清夜之歡娛。列置幃裏明燭前。外發龍鱗之丹綵。內含麝芬之紫煙。如今君心一朝異。對此長歎終百年。

璇閨玉墀上椒閣。文窓繡戶垂羅幕。中有一人字金蘭。被服纖羅采芳藿。春燕參差風散梅。開幃對景弄春爵。含歌攬涕恒抱愁。玉臺作不能言人生幾時得爲樂。寧作野中之雙鳧。不願雲間之別

鶴

鯨水置平地各自東西南北流人生亦有命安
能行歎復坐愁酌酒以自寬舉杯斷絕歌路難
心非木石豈無感吞聲躑躅不敢言

君不見河邊草冬時枯死春蒲道君不見城上

日今暝沒盡

一作山

去明朝復更出今我何時當

得然一去未滅入黃泉人生苦多歡樂少意氣
敷腴在盛年且願得志數相就牀頭恒有沽酒
錢功名竹帛非我事存亡貴賤付皇天

對案不能食拔劍擊柱長歎息丈夫生世會幾
時安能蹠蹠垂羽翼棄置罷官去還家自休息
朝出與親辭暮還在親側弄兒牀前戲看婦機
中織自古聖賢盡貧賤何況我輩孤且直

愁思忽而至跨馬出北門舉頭四顧望但見松
柏園荆棘鬱蹲蹲中有一鳥名杜鵑言是古時
蜀帝魂聲音哀苦鳴不息羽毛憔悴似人髡飛
走樹間啄蟲蟻豈憶往日天子尊念此死生變
化非常理中心惻愴不能言

中庭五株桃一株先作花陽春妖冶二三月從

風簸蕩落西家西家思婦見悲惋零淚霑衣撫
心歎初送我君出戶時何言淹留節迴換牀席
生塵明鏡垢纖腰瘦削髮蓬亂人生不得恒稱
意惆悵徒倚至夜半

劉蘂染黃絲黃絲歷亂不可治我昔與君始相
值爾時自謂可君意結帶與君言死生好惡不
相置今日見我顏色衰意中索寞與先異還君
金釵玳瑁簪不忍見之一作益愁思

君不見薜華不終朝須臾奄冉零落銷盛年妖
艷浮華輩不久亦當詣塚頭一去無還期千秋
萬歲無音詞孤魂竅竅空隴間獨魄徘徊遶墳
基但聞風聲野鳥吟豈憶平生盛年時爲此令
人多悲悵君當縱意自熙怡

君不見枯籜走階庭何時復青著故莖君不見
亡靈蒙享祀何時傾杯竭壺罌君當見此起憂
思寧及得與時人爭人生倏忽如絕電華年盛
德幾時見但令縱意存高尚旨酒嘉肴相胥讌
持此從朝竟夕暮差得亡憂消愁怖胡爲惆悵

鮑參軍集 卷二
不能已難盡此曲令君忤

今年陽初花滿林明年冬末雪盈岑推移代謝
紛交轉我君邊戍獨稽沈執袂分別已三載邇
來寂淹無分音朝悲慘慘遂成滴暮思遶遶最
傷心膏沐芳餘久不御蓬首亂鬢不設簪徒飛
輕埃舞空帷紛筐黛器靡復遺自生留世苦不
幸心中惕惕恒懷悲

春禽啾啾日暮鳴最傷君子憂思情我初辭家
從軍僑榮志溢氣干雲霄流浪漸冉經三齡忽

有白髮素髭生今暮臨水拔已盡明日對鏡復
已盈但恐羈死爲鬼客客思寄滅生空精每懷
舊鄉野念我舊人多悲聲忽見過客問何我寧
知我家在南城答云我曾居君鄉知君遊宦在
此城我行離邑已萬里今方羈役去遠征來時
聞君婦閨中孀居獨宿有貞名亦云悲朝泣閒
房又聞暮思淚霑裳形容憔悴非昔悅蓬鬢衰
顏不復粧見此令人有餘悲當願君懷不暫忘
君不見少壯從軍去白首流離不得還故鄉官

鮑參軍集 卷二
宵日夜隔音塵斷絕阻河關朔風蕭條白雲飛
胡笳哀極邊氣寒聽此愁人今柰何登山遠望
得留顏將死胡馬跡能見妻子難男兒生世軼
軻欲何道綿憂摧抑起長歎

君不見柏梁臺今日丘墟生草萊君不見阿房
宮寒雲澤雉棲其中歌妓舞女今誰在高墳纍
纍滿山隅長袖紛紛徒競世非我昔時千金軀
隨酒逐樂任意去莫令含歎下黃墟

君不見冰上霜表裏陰且寒雖蒙朝日照信得
幾時安民生故如此誰令摧折強相看年去年
來自如削白髮零落不勝冠

君不見春鳥初至時百草含青俱作花寒風蕭
索一旦至竟得幾時保光華日月流邁不相饒
令我愁思怨恨多

諸君莫歎貧富貴不由人丈夫四十彊而仕余
當二十弱冠辰莫言草木委冬雪會應蘇息遇
陽春對酒叙長篇窮途運命委皇天但願樽中
九醞滿莫惜牀頭百個錢直須優游卒一歲何

鮑參軍集 卷二
勞辛苦事百年

梅花落

中庭雜樹多，偏爲梅客嗟。問君何獨然，念其霜中能作花，露中能作實。搖蕩春風媚，春日念爾零落逐。寒風徒有霜華無，霜質。

代淮南王

王臺分朱城以下別作一首

淮南王好長生，服食鍊氣讀仙經。琉璃作益牙，作盤金鼎玉七合。神丹合神丹，戲紫房紫房。綵女弄明璫，鸞歌鳳舞斷君腸。朱城九門門九闔，願逐明月入君懷。入君懷，結君佩，怨君恨，君恃君愛，築城思堅，劍思利，同盛同衰，莫相棄。

代雉朝飛

雉朝飛，振羽翼。專場挾雌特，疆力媒已驚翳。又逼蒿間潛，殼盧矢直。勿繡頸，碎錦臆。絕命君前，無怨色。握君手，執杯酒。意氣相傾，死何有。

代北風涼行

北風涼，雨雪雱。京洛女兒多妍粧，遙豔帷中自悲傷。沈吟不語，若有忘。問君何行，何當歸。苦使

妾坐自傷悲，慮年至。慮顏衰，情易復。恨難追。

代空城雀

雀乳四穀，空城之阿。朝食

一作拾

野粟，夕飲冰河。

高飛畏鴟鳶，下飛畏網羅。辛傷伊何言，林迫良已多。誠不及青鳥，遠食玉山禾。猶勝吳宮燕，無罪得焚窠。賦命有厚薄，長歎欲如何。

代夜坐吟

冬夜沈沈，夜坐吟。含聲未發，已知心霜入幕風。度林朱燈滅，朱顏尋體君。歌逐君音，不貴聲貴。

意深

代春日行

三言

獻歲發，吾將行。春山茂，春日明。園中鳥多嘉聲，梅始發，柳始青。汎舟鱸齊，擢驚奏，採菱歌，鹿鳴。風微起，波微生。絃亦發，酒亦傾。入蓮池，折桂枝。芳袖動，芬葉披。兩相思，兩不知。

芳斷煙茶葉對兩時思雨不眠

風妍賦如妍主慈亦好或亦好入靈武詩林林

琳故發琳故青以我謝齊歡謝謝英對英相與歸

瀾蕪發吾泚行春山也春山日圓中鳥多喜驚

升春日行三言

意新

鮑參軍集卷之三

宋東海鮑照明遠著

明閩漳張爨紹和纂

詩

侍宴覆舟山二首
勅為柳元景作
以下五言

息雨清上郊開雲照中縣遊軒越丹居暉燭集

涼殿凌高躋飛楹追焱起流宴松苑含靈羣崑

庭藏物變明輝爍神都麗氣冠華甸日遠幽情

周醴洽深恩遍

繁霜飛玉闥愛景麗皇州清蹕戒馳路羽蓋佇
宣游神居旣崇盛崑嶮信環周禮俗陶德聲昌
會溢民謳慙無勝化質謬從雲雨遊

從拜陵登京峴

孟冬十月交殺盛陰欲終風烈無勁草寒甚有
凋松軍井冰晝結士馬龜夜重晨登峴山首霜
雪凝未通息鞍循隴上支劍望雲峰表裏觀地
險昇降究天容東嶽覆如礪瀛海安足窮傷哉
良永矣馳光不再中衰賤謝遠願疲老還舊邦

深德竟何報徒令田陌空

蒜山被始興王命作

暮冬霜朔嚴地閉泉不流玄武藏木陰丹鳥還
養羞勞農澤旣周役車時亦休高薄符好蒨藻
駕及時遊鹿苑豈淹睇兔園不足留升嶠眺日
軌臨迴望滄洲雲生玉堂裏風靡銀臺陬陂石
類星懸嶺木似煙浮形勝信天府珍寶麗皇州
白日迴清景芳豔洽歡柔參差出寒吹飈戾江
上謳王德愛文雅飛瀚灑鳴球美哉物會昌衣

道服光猷

登廬山

懸裝亂水區薄旅次山楹千巖盛阻積萬壑勢
迴縈龍嵒高昔貌紛亂襲前名洞澗窺地脉聳
樹隱天經松磴上迷密雲竇下縱橫陰水實夏
結炎樹信冬榮嘈嗜晨鷗思叫嘯夜猿清深崖
伏化迹穹岫閔長靈乘此樂山性重以遠遊情
方躋羽人途永與煙霧并

登廬山望石門

重密昏昏磴路深活活梁水疾幽隅秉晝燭地
牖窺朝日怪石似龍章瑕壁麗錦質洞庭安可
窮漏井終不溢沈空絕景聲崩危坐驚慄神化
豈有方妙象竟無述至哉鍊玉人處此長自畢

登翻車峴

高山絕雲霓深谷斷無光晝夜淪霧雨冬夏結
寒霜淖坂旣馬領磧路又羊腸畏塗疑旅人忌
轍覆行箱升岑望原陸四眺極川梁遊子思故
居離客遲新鄉新知有客慰追故遊子傷

登黃鶴磯

木落江渡寒鴈還風送秋臨流斷商絃瞰川悲
棹謳適郢無東轅還藝文作過夏有西浮三崖隱丹
磴九派引滄流淚行感湘別弄珠懷漢遊豈伊
藥餌忝得奪旅人憂

登雲陽九里埭

宿心不復歸流年抱衰疾旣成雲雨人悲緒終
不一徒憶江南聲空錄齊后瑟方絕縈絃思豈
兄繞梁日

訪世失隱淪從山異靈士明發振雲冠升巒遠
棲趾高岑隔半天長崖斷千里氛霧承星辰潭
壑洞江汜嶄絕類虎牙嶙峋象熊耳埋冰或百
年韜樹必千祀雞鳴清澗中後嘯白雲裡瑤波
逐穴開霞石觸峰起迴互非一形參差悉相似
傾聽鳳管賓緬望釣龍子松桂盈膝前如何穢
城市

從登香爐峰

辭宗盛荆臺登歌美鳧繹徒收杞梓饒曾非羽

人宅羅景藹雲扃沾光扈龍策御風親列涂乘
山窮禹跡合嘯對霧岑延蘿倚峰壁青冥搖煙
樹穹跨負天石霜崖滅土膏金澗測泉脉旋淵
抱星漢乳竇通海碧谷館駕鴻人巖棲咀丹客
殊物藏珍怪奇心隱仙籍高世伏音華綿古遁
精魄蕭瑟生哀聽參差遠驚覲慙無獻賦才洗
汗奉毫帛

從庾中郎遊園山石室

荒塗趣山楹雲崖隱靈室岡澗紛縈抱林障沓

自礪山東望震澤

瀾漫潭洞波合沓嶸嶂雲漲鳥遠不測岡澗近
難分幽篁愁暮見思鳥傷夕聞以此藉沈痾棲
迹別人群結言非盡書有念豈敷文

三日遊南苑

採蘋及華月追節逐芳雲騰蓍溢林疏麗日曠
山文清潭圓翠會花薄緣綺紋合樽遽景斜折
榮宏組芬

贈故人馬子喬六首

躑躅城上羊攀隅食玄草俱共日月輝昏明獨
何早夕風飄野籜飛塵被長道親愛難重陳懷
憂坐空老

寒灰滅更然夕華晨更鮮春冰雖暫解冬水復
還堅佳人拾我去賞愛長絕緣歡至不留日感
物輒傷年

松生隴坂上百尺下無枝東南望河尾西北隱
崑崖野風振山籟朋鳥夜驚離悲涼貫年節葱
翠恒若斯安得草木心不怨寒暑移

種橘南池上種杏北池中池北既少露池南又
多風早寒逼晚歲衰恨滿秋容湘濱有靈鳥其
字曰鳴鴻一挹繒繳痛長別遠無雙

皎如川上鵠赫似握中丹宿心誰不欺明白古
所難憑楹觀皓露灑酒盪憂顏未念平生意窮
光不忍還淹留徒攀桂延佇空結蘭

雙劍將離別先在匣中鳴煙雨交將夕從此遂
分形雌沈吳江裏

玉臺作水

雄飛入楚城吳江深無

底楚關有崇扃一爲天地別豈直限幽明神物

鮑參軍集 卷三 終不隔千祀儻還弁

荅客

幽居屬有念含意未連詞會客從外來問君何
所思澄神自惆悵嘿慮久迴疑謂賓少安席方
爲子陳之我以華門士負學謝前基愛賞好徧
越放縱少矜持專求遂性樂不計緝名期歡至
獨斟酒憂來輒賦詩聲交稍希歇此意更堅滋
浮生急馳電物道險絃絲深憂寡情謬進伏兩
睽時願賜上身要得免後賢噲

和王丞

限生歸有窮長意

一作憶

無已年秋心日迴絕春

思坐連綿銜協曠古願斟酌高代賢遯迹俱浮
海採藥共還山夜聽橫石波朝望宿巖煙明澗
子泐越飛蘿予縈牽性好必齊途迹幽非妄傳
滅志身世表藏名琴酒間

日落望江贈荀丞

旅人乏愉樂薄暮增思深日落嶺雲歸延頸望
江陰亂流叢大壑長霧匝高林林際無窮極雲

魚翁集 卷三
邊不可尋惟見獨飛鳥千里一揚音推其感物
情則知遊子心君居帝京內高會日揮金豈念
慕羣客咨嗟戀景沈

秋日示休上人

枯桑葉易零疲客心易驚今茲亦何早已聞絡
緯鳴迴風滅且起卷蓬息復征愴愴簞上寒悽
悽帳裏清物色延暮思霜露逼朝榮臨堂觀秋
草東西望楚城百物方蕭瑟坐歎從此生

答休上人

酒出野田稻菊生高岡草味貌復何奇能令君
傾倒玉腕徒自羞爲君慨此秋金蓋覆牙枰何
爲心獨愁

贈鮑侍郎

釋惠休

玳枝兮金英綠葉兮紫莖不入君玉杯低彩
還自榮想君不相艷酒上視塵生當令芳意
重無使盛年傾

吳興黃浦亭庾中郎別

風起洲渚寒雲上日無輝連山眇煙霧長波迴

難依旅鴈方南過浮客未西歸已經江海別復
與親眷違奔景易有窮離袖安可揮權觴爲悲
酌歌服成泣衣溫念終不渝藻志遠存追役人
多牽滯顧路慙奮飛昧心附遠翰炯言藏佩韋
與伍侍郎別

民生如野鹿知愛不知命飲齧具攢聚翹陸歛
驚遊傷我慕類心感爾食苹性漫漫鄢郢途渺
渺淮海逕子無金石質吾有犬馬病憂樂安可
言離會孰能定欽哉慎所宜砥德乃爲盛貧游
不可忘久交念敦敬

送別王宣城

發郢流楚思涉淇興衛情旣逢青春獻復值白
蘋生廣望周千里江郊藹微明舉爵自惆悵歌
管爲誰清頽陰騰前藻淮陽流昔聲樹道慕高
華屬路佇深馨

送從弟道秀別

參差生密念躑躅行思悲悲思戀光景密念盈
歲時歲時多阻折光景乏安怡以此苦風

一作
彌

魚...集 卷三
情日夜驚懸旗登山臨朝日揚袂別所思浸淫
旦潮廣瀾漫宿雲滋天陰懼先發路遠常早辭
篇詩後相憶杯酒今無持游子苦行役冀會非
遠期

贈傅都曹別

輕鴻戲江潭孤鴈集洲泚邂逅兩相親緣念共
無已風雨好東西一隔頓萬里追憶栖宿時聲
容滿心耳落日川渚寒愁雲繞天起短翮不能
翔徘徊煙霧裏

和傅大農與僚故別

絕節無緩響傷鴈有哀音非同年歲意誰共一作
異別離心伊昔謬通塗冠屣預人林浮江望南
嶽登潮窺海陰孰謂游居淺慕美久相深萋萋
春草秀嚶嚶喜候禽辰物盡明茂尊盛獨幽沈
之子安所適我方栖舊岑墜歡豈更接明愛邈
難尋

送盛侍郎餞候亭

霑霜襲冠帶驅駕越城闔北臨出塞道南望入

魚... 卷三
鄉津高塘宿寒霧平野起秋塵君爲坐堂子我
乃負羈人欣悲豈等志甘藟誠異身結涕園中
草憔悴悲此春

與荀中書別

勞舟厭長浪疲旆倦行風連翩感孤志契濶傷
賤躬親交篤離愛眷戀置酒終敷文勉征念發
藻慰愁容思君吟涉洧撫已謠渡江慙無黃鶴
翅安得久相從願遂宿知意不使舊山空

從過舊宮

肅裝屬雲旅奉勅承末塗嚴恭履桑梓加敬覽
枌榆靈命蘊川瀆帝寶伏篇圖虎變由石紐龍
翔自鼎湖功冠生民始道妙神器初宮陛留前
制歌思溢今衢餘祥見雲物遺像存陶漁泉流
信清泌原野實甘荼豈伊愛鄴鄙天險兼上腴
東秦邦北門非親誰克居仁聲日月懋惠澤雲
雨敷盧令美何歇唐風久不渝微臣逢世慶征
賦備人徒空費行葦德採束謝生芻

從臨海王上荆初發新渚

客行有苦樂但問客何行
板龍不待翼附驥絕
塵冥梁珪分楚牧羽鷁指全荆
雲鱸掩江泥千里被連旌
戾戾旦風迢嘈嘈晨鼓鳴
收纜辭帝郊揚棹發皇京
狐兔懷窟志犬馬戀主情
撫襟同太息相顧俱涕零
奉役塗未啓思歸思已盈

還都道中三首

悅懌遂還心踊躍
貪至勤鳴雞戒征路
暮息落日分急流
騰飛沫回風起江濱
孤獸啼夜侶離鴻噪
霜群物哀心交橫
聲切思紛紜歎慨訴同

旅美人無相聞

風急訊灣浦裝高偃檣
舳夕聽江上波遠極千里
日寒律驚窮蹊爽氣起喬木
隱隱日沒岫瑟瑟風發谷鳥還
暮林誼潮上冰結泫夜分霜下
淒悲端出遙陸愁來攢人懷
羈心苦獨宿

久宦迷遠川川廣每多懼
薄止閭邊亭關歷險程
路靄靄冥隅岫濛昧江上霧
時涼籟爭吹流

洄浪奔趣

一作注

惻焉增愁起搔首東南顧茫然

荒野中舉目皆凜素回風楊江泌寒
棲動樹

魚...集 卷三
太息終晨漏企我歸颺遇

上潯陽還都道中

昨夜宿南陵今日入蘆洲客行惜日月崩波不
可留侵星赴早路畢景逐前儔鱗鱗夕雲起獵
獵晚一作曉風迢騰沙鬱黃霧翻浪揚白鷗登艫
眺淮甸掩泣望荆流絕日盡平原時見遠煙浮
倏忽坐還合俄思甚兼秋未嘗違戶庭安能千
里遊誰令乏古節貽此越鄉憂

還都至三山望石頭城

泉源安首流川末澄遠波晨光被水族曉氣歇
林阿兩江皎平迴三山鬱駢羅南帆望越嶠北
榜指齊河關扃繞天邑襟帶抱尊華長城非壑
嶮峻咀似荆芽攢樓貫白日摛堞隱丹霞征夫
喜觀國遊子遲見家流連入京引躑躅望鄉歌
彌前歎景促逾近勅路多借萃猶如茲弘易將
謂何

還都口號

分壤蕃帝華列正藹皇宮禮讌及年暇朝奏因

歲通維舟歇金景結棹俟昌風鉦歌首寒物歸
吹踐開冬陰沈煙塞合蕭瑟涼海空馳霜急歸
節幽雲慘天容旌鼓貫玄塗羽鷁被長江君王
遲京國遊子思鄉邦恩世共渝洽身願兩板逢
勉哉河濟客勤爾尺波功

行京口至竹里

高柯危且竦鋒石橫復仄複澗隱松聲重崖伏
雲色冰閉寒方壯風動鳥傾翼斯志逢凋嚴孤
遊值曛逼兼塗無憇鞍半菽不遑食君子樹令
名細人効命力不見長河水清濁俱不息

發後渚

江上氣早寒仲秋始霜雪從軍乏衣糧方冬與
家別蕭條背鄉心悽愴清渚發涼埃晦平臯飛
潮隱脩樾孤光獨徘徊空煙視昇滅塗隨前峰
遠意逐後雲結華志分馳年韶顏慘驚節推琴
三起歎聲爲君斷絕

岐陽守風

差池玉繩高掩藹瑤井沒廣岸屯宿陰懸崖棲

鮑參軍集 卷三 十四
歸月役人喜先馳軍令申早發洲迴風正悲江
寒霧未歇飛雲日東西別鶴方楚越塵衣孰揮
澣蓬思亂光髮

發長松遇雪

土牛旣送寒冥陸方決馳振風搖地局封雪滿
空枝江渠合爲陸天野浩無涯飲泉凍馬骨斷
冰傷役疲昆明豈不慘黍谷寧可吹

詠史

五都矜財雄三川養聲利百金不市死明經有
高位京城十二衢飛甍各鱗次仕子影華纓游
客竦輕轡明星晨未晡軒蓋已雲至賓御紛颯
沓鞍馬光照地寒暑在一時繁華及春媚君平
獨寂寞身世兩相棄

蜀四賢詠

司馬相如
王褒

嚴君平
楊雄

渤渚水浴鳧春山玉抵鵲皇漢方盛明群龍滿
階閣君平因世閒得還守寂寞閉簾注道德開
卦述天爵相如達生旨能屯復能躍陵令無人
事毫墨時灑落褒氣有逸倫雅績信炳博如令

魚... 卷三
聖納賢金璫易羈絡良遮神明遊豈伊覃思作
玄經不期賞蟲篆憂散樂首路或參差投駕均
遠託身表旣非我生內任豐薄

擬古八首

魯客事楚王懷金襲丹素旣荷主人恩又蒙令
尹顧日宴罷朝歸鞍馬塞衢路宗黨生光輝賓
僕遠傾慕富貴人所欲道得亦何懼南國有儒
生迷方獨淪誤伐木清江湄設置守龜兔

十五諷詩書篇翰靡不通弱冠叅多士飛步游
秦宮側覩君子論預見古人風兩說窮舌端五
車摧筆鋒羞當白璧貺耻受聊城功晚節從世
務乘障遠和戎解佩襲犀渠卷袞奉盧弓始願
力不及安知今所終

幽弁重騎射少年好馳逐羶帶佩雙鞬象弧插
雕服獸肥春草短飛鞚越平陸朝遊鴈門上暮
還樓煩宿石梁有餘勁驚雀無全目漢虜方未
和邊城屢翻覆畱我一白羽將以分虎竹
鑿井比陵隈百丈不及泉生事本瀾漫何用獨

精堅幼壯重寸陰
衰暮及輕年
放駕息朝歌
提爵止中山
日夕登城隅
周迴視洛川
街衢積凍草
城郭宿寒煙
繁華悉何在
宮闕久崩填
空謗齊景非徒稱
夷叔賢

伊昔不治業
倦遊觀五都
海岱饒壯士
蒙泗多宿儒
結髮起躍馬
垂白對講書
呼我升上席
陳觶發瓢壺
管仲死已久
墓在西北隅
後面崔嵬者
桓公舊塚廬
君來誠旣晚
不覩崇明初
玉琬徒見傳
交友義漸疎

東薪幽篁裏
刈黍寒澗陰
朔風傷我肌
號鳥驚我心
歲暮井賦訖
程課相追尋
田租送函谷
獸藁輸上林
河渭冰未開
關隴雪正深
笞擊官有罰
呵辱吏見侵
不謂乘軒意
伏櫪還至今

河畔草未黃
胡鴈已矯翼
秋螢扶戶吟
寒婦成夜織
去歲征人還
流傳舊相識
聞君上隴時
東望久歎息
宿昔改衣帶
朝旦玉臺作異容色
念旦暮

此憂如何夜
長愁更多明
鏡塵匣中
瑤琴生網羅

蜀漢多奇山仰望與雲平陰崖積夏雪陽谷散
 秋榮朝朝見雲歸夜夜聞猿鳴憂人本自悲孤
 客易傷情臨堂設樽酒留酌思平生石以堅為
 性君勿輕素誠

鮑參軍集卷之四

宋東海鮑照明遠著

明閩漳張燮紹和纂

詩

紹古辭七首

橘生湘水側菲陋人莫傳逢君金華宴得在玉
 几前三川窮名利京洛富妖妍恩榮難久恃隆
 寵易衰偏觀席妾悽愴覩翰君泣然徒抱忠
 志猶為葑菲遷

此首藝文作張華外
 編作漢古辭皆非

昔與君別時蠶妾初獻絲何言年月駛寒衣已
擣治絲繡多廢亂篇帛久塵緇離心壯爲劇飛
念如懸旗石席我不爽德音君勿欺

瑟瑟涼海風竦竦寒山木紛紛羈思盈慊慊夜
絃促訪言山海路千里歌別鶴絃絕空谷嗟形
音誰賞錄辛苦異人狀美貌改如玉徒畜巧言
鳥不解心欵曲

孤鴻散江與連翩遶渚飛含嘶衡桂浦馳顧河
朔畿攢攢勁秋木昭昭淨冬暉牕前滌歡爵帳
裏縫舞衣芳歲猶自可日夜望君歸

憑楹翫夜月迴眺出谷雲還山路已遠往海不
及群徘徊清淮汭顧慕廣江濱物情乖喜歆守
操古難聞三越豐少姿容態傾動君

開黛覩容

一作朝

顏臨鏡訪遙塗君子事河源彌

祀闕還書春風掃地起飛塵生綺疏文桂爲誰
設羅帳空卷舒不怨身孤寂但念星隱隅

暖歲節物早萬萌迎春達春風夜嫵娟春霧朝
晻靄軟蘭葉可采柔桑條易將怨咽對風景悶

蒼守閨闈天賦愁民命含生但契闊憂來無行
伍歷亂如覃葛

學古

北風十二月雪下如亂巾實是愁苦節惆悵憶

一作別

情親會得兩少妾同是洛陽人嬛絲好看

目閑麗美腰身凝膚皎若雪明淨色如神驕愛
生眇矚聲媚起朱唇衿服襍緹纈首飾亂瓊珍
調絃俱起舞爲我唱梁塵人生貴得意懷願待
君申幸值嚴冬暮幽夜方未晨齊衾久兩設角

枕已雙陳願君早休息留歌待三春

古辭

容華不待年何爲客遊梁九月寒陰合悲風斷
君腸歎息空房婦幽思坐自傷勞心結遠路惆
悵獨未央

擬青青陵上栢

涓涓亂江泉綿綿橫海煙浮生旅昭世空事歎
華年書翰幸閒暇我酌子縈絃飛鑣出荆路驚
服指秦川渭濱富皇居鱗館匝河山輿童唱秉

椒擢女歌采蓮乎愉鸞閣上窈窕鳳楹前娛生
信非謬安用求多賢

學劉公幹體五首

欲宦乏王事結主遠恩私爲身不爲名散書徒
滿帷連冰上冬月披雪拾園葵聖靈燭區外小
臣良見遺

矐矐寒野霧蒼蒼陰山栢樹迴霧縈集山寒野
風急歲物盡淪傷孤貞爲誰立賴樹自能貞不
計迹幽澀

胡風吹朔雪千里度龍山集君瑤臺上飛舞兩
楹前茲晨自爲美當避艷陽天艷陽桃李節皎
潔不成妍

荷生淥泉中碧葉齊如規迴風蕩流霧珠水逐
條垂彪炳此金塘藻耀君王池不愁世賞絕但

畏盛明移

藝文作
張華

白日正中時天下共明光北園有細草當晝正
含霜垂榮頓如此何用獨芬芳抽琴爲爾歌絃
斷不成章

擬阮公夜中不能寐

漏分不能臥酌酒亂繁憂惠氣憑夜清素景緣
隙流鳴鶴時一聞千里絕無儔佇立爲誰久寂
寞空自愁

學陶彭澤體

奉和王義興

長憂非生意短願不須多但使尊酒滿朋舊數
相過秋風七八月清露潤綺羅提瑟當戶坐歎
息望天河保此無傾動寧復滯風波

數詩

一身仕關西家族滿山東二年從車駕齋祭甘
泉宮三朝國慶畢休沐還舊邦四牡耀長路輕
蓋若飛鴻五侯相餞送高會集新豐六樂陳廣
坐組帳揚春風七盤起長袖庭下列歌鍾八珍
盈雕俎綺肴紛錯重九族共瞻遲賓友仰徽容
十載學無就善宦一朝通

建除詩

建旗出燉煌西討屬國羌除去徒與騎戰車羅
萬箱滿山又填谷投鞍合營牆平原亘千里旗

鼓轉相望定舍後未休候騎敕前裝執戈無暫
頓彎弧不解張破滅西零國生虜郅支王危亂
悉平蕩萬里置關梁成軍入玉門士女獻壺漿
收功在一時歷世荷餘光開壤襲朱紱左右佩
金章閉帷草太玄茲事殆愚狂

白雲

探靈喜解骨測化善騰天情高不戀俗厭世樂
尋仙鍊金宿明館屑玉止瑤淵鳳歌出林闕龍
駕戾蓬山凌崖采三露攀鴻戲五煙昭昭景臨
霞湯湯風媚泉命娥雙月際要媛兩星間飛虹
眺卷河汎霧弄輕絃笛聲謝廣賓神道不復傳
一逐白雲去千齡猶未旋

臨川王服竟還田里

送舊禮有終事君慙懦薄稅駕罷朝衣歸志願
巢壑尋思邈無報退命愧天爵拾耨將十齡還
得守場藿道經盈竹筥農書滿塵閣愴愴秋風
生戚戚寒緯作豐霧粲草華高月麗雲嶢屏跡
勤躬稼衰疾倚芝藥顧此謝人群豈直止商洛

行樂至城東橋

雞鳴關吏起伐鼓早通晨嚴車臨迴陌延轍歷
城闕蔓草緣高隅脩楊夾廣津迅風首旦發平
路塞飛塵擾擾遊宦子營營市井人懷金近從
利撫劍遠辭親爭先萬里塗各事百年身開芳
及稚節含絲吝驚春尊賢未照灼孤賤長隱淪
容華坐銷歇端爲誰苦辛

園中秋散

負疾固無豫晨衿悵已單氣交蓬門疎風數園
草殘荒墟半晚色幽庭憐夕寒旣悲月戶清復
切夜蟲酸流枕商聲苦騷殺年志闌臨歌不知
調發興誰與歡儻結絃上情豈孤林下彈

觀圃人藝植

善賈笑蠶漁巧宦賤農牧遠養遍關市深利窮
海陸乘輶實金羈當墟信珠服居無逸身伎安
得坐梁肉徒承屬生幸政緩吏平睦春畦及耘
藝秋場早芟築澤閱旣繁高山營又登熟抱鍾
壠上餐結茅野中宿空織已尙淳寧知俗翻覆

遇銅山掘黃精

土肪閩中經水芝韜內策一作寶餌緩童年命籍

藥駐衰曆矧蓄終古情重拾煙霧迹羊角棲斷

雲榼口流隘石銅谿晝森沈乳竇夜涓滴既類

風門磴復像天井壁蹠蹠寒葉離濃濃秋水積

松色隨野深月露依草白空守江海思豈懷梁

鄭客得仁古無怨順道今何惜

見賣玉器者弁序

見賣玉器者或人欲買疑其是珉不肯成市

聊作此詩以戲買者

涇渭不可襍珉玉當早分子實舊楚客蒙俗謬

前聞安知理乎采豈識質明溫我方歷上國從

洛入函轅揚光十貴室馳譽四豪門奇聲振朝

邑高價服鄉村寧能與爾曹瑜瑕稍辨論

懷遠人

哀樂生有端離會起無因去事難重念恍惚似

如神屬期眇起遠後遇邈無辰馳風掃遙路輕

蘿含夕塵思君成首疾欲息眉不伸

夢歸鄉 玉臺作 夢還詩

銜淚出郭門，撫劍無人達。沙風暗空，玉臺作塞起離

心眷鄉畿，夜分就孤枕。夢想暫言歸，孀婦當戶

歎。縑絲外編作搔首復鳴機，慊歎論久別。相將還綺

闈，歷歷簷下涼。隴隴帳裏暉，刈蘭爭芬芳。採菊

競葳蕤，開奩奪香蘇。探袖解纓微，夢中長路近

覺後大江遠。驚起空歎息，恍惚神魂飛。白水漫

浩浩，高山壯巍巍。波瀾異往復，風霜改榮衰。此

土非吾土，慷慨當告誰。

春羈

征人歎道遐，去鄉悒路邇。佳期每無從，滄海非

尺咫。春日起游心，勞情出徙倚。岫遠雲煙綿，谷

屈泉靡迤。風起花四散，露濃條暄妍正在

茲摧柳多。嗟思嘶聲名，一作邊堅豈我箱中紙。

染翰餉君琴，新聲憶解子。

歲暮悲

霜露迭濡潤，草木互榮落。日夜改運周，今悲復

如昨。晝色苦沈陰，白雪夜迴薄。皦潔冒霜鴈，飄

揚出風鶴天寒多顏苦妍容逐丹壑絲管千里
心獨宿之然諾歲暮美人還寒壺與誰酌

在江陵歎年傷老

五難未易夷三命戒淵抱方瞳起松髓顏髮疑
桂腦役生良自休大患安足保開簾窺景夕備
屬雲物好翩翩燕弄風嫋嫋柳垂道池瀆亂蘋
萍園榭美花草節如驚灰異零落就衰老

夜聽妓二首

夜來坐幾時銀漢傾露落澄滄入閨景歲蕤被
圓葦絲管感暮情哀音遶梁作芳盛不可恒及
歲共爲樂天明坐當散琴酒駛絃酌
蘭膏消耗夜轉多亂筵裸坐更絃歌傾情逐節
寧不苦特爲盛年惜容華

翫月城西門廨中

始出西南樓纖纖如玉鈎未映東北墀娟娟似
娥眉娥眉蔽珠櫳玉鈎隔鎖牕三五二八時千
里與君同夜移衡漢落徘徊帷戶玉臺作幌中歸華
先委露別葉早辭風客遊厭苦辛仕子倦飄塵

魚... 卷四
休澣自公日宴慰及私辰蜀琴抽白雪郢曲發
玉臺作繞陽春肴乾酒未闕金壺啓夕淪迴軒駐輕
蓋留酌待情人

喜雨

奉敕作

營社達羣陰屯雲

藝文作連宮

揜積陽河井起龍蒸

日魄斂游光族雲飛泉室震風沈羽鄉升雰浹
地維傾潤瀉天潢平灑周海嶽曲潦溢川莊驚
雷鳴桂渚迴涓流玉堂珍木抽翠條炎卉擢未
芳關市欣九賦京廩開萬箱無謝堯爲君何用

知栢皇

苦雨

連陰積澆灌滂沱下霖亂沈雲日夕昏驟雨淫
朝旦蹊澗走獸稀林寒鳥飛晏密霧冥下溪聚
雲屯高岸野雀無所依羣雞聚空館川梁日已
廣懷人邈渺漫徒酌相思酒空急促明彈

詠白雪

白珪誠自白不如雪光妍工隨物動氣能逐勢
方圓無妨玉顏媚不奪素縉鮮投心障苦節隱

鮑參軍集 卷四
迹避榮年。蘭焚石旣斷。何用恃芳堅。

三日

氣暄動思心。柳青起春懷。時艷憐花藥。服淨俛
登臺。提觴野中飲。愛心煙未開。露色染春草。泉
源潔冰苔。泥泥濡露條。嫋嫋承風栽。鳧雛撥苦
薺。黃鳥銜櫻梅。解衿欣景預。臨流競覆杯。美人
竟何在。浮心空自摧。

詠秋

秋蘭徒晚綠。流風漸不親。飈我垂恩幕。驚此梁
上塵。沈陰安可久。豐景將遂淪。何由忽靈化。暫
見別離人。

秋夕

慮滂擁心用。夜默發思機。幽閨溢涼吹。閒庭滿
清暉。紫蘭花已歇。青梧葉方稀。江上淒海戾。漢
曲驚朔霏。髮斑悟壯晚。物謝知歲微。臨宵嗟獨
對。撫賞怨情違。躊躇空明月。惆悵徒深帷。

秋夜二首

夜久膏旣竭。啓明旦未央。環情倦始復。空閨起

晨裝幸承天光轉曲影入幽堂徘徊集通隙宛
轉燭迴梁帷風自卷舒簾露視成行歲役急窮
晏生慮備溫涼絲紈夙染濯綿綿夜裁張冬雪
旦夕至公子乏衣裳華心愛零落非直惜容光
願君翦衆念且共覆前觴

遁跡避紛喧貨農棲寂寞荒徑馳野鼠空庭聚
山雀旣遠人世歡還賴泉卉樂折柳樊場圃負
綆汲潭壑霽旦見雲峰風夜聞海鶴江介早寒
來白露先秋落麻壟方結葉瓜田已掃籜傾暉
忽西下迴景思華幕攀蘿席中軒臨觴不能酌
終古自多恨幽悲共淪鑠

和王護軍秋夕

散漫秋雲遠蕭蕭霜月寒驚飈西北起孤鴈夜
往還開軒當戶牖取琴試一彈停歌不能和終
曲久辛酸金氣方勁殺隆陽微且單泉涸甘井
竭節徙芳歲殘生事各多少誰共知易難投章
心蘊結千里途輕紈願託孤老服觴思暫開餐
和王義興七夕

宵月向掩扉。夜霧方當白。寒機思孀婦。秋堂泣
征客。匹命無單年。偶影有雙夕。暫交金石心。須
臾雲雨隔。

王僧達七夕月下詩附

遠山歛氣。褻廣庭。揚月波。氣往風集。隙秋還
露。泫柯節。期旣已。屏中宵。振綺羅。來歡詎終
夕。收淚泣分河。

冬至

舟遷莊甚笑。水流孔急歎。景移風度改。日至晷
廻換。眇眇負霜鶴。皎皎帶雲雁。長河結珊瑚。層
冰如玉岸。哀哀古老容。慘顏愁歲晏。催促時節
過。逼迫聚離散。美人還未央。鳴箏誰與彈。

冬日

嚴風亂山起。白日欲還次。曛霧蔽窮天。夕陰晦
寒地。煙霾有氛氲。精光無明異。風急野田空。饑
禽稍相棄。含生共通閉。懷賢敦爲利。天窺苟平
圓。寧得已。偏媚瀉海有歸潮。衰容不還穉。君今
且安歌。無念老方至。

望水

刷鬢垂秋日登高觀水長千澗無別源萬壑共
一廣流駛巨石轉湍迴急沫上茗茗嶺岸高照
照寒洲爽東歸難忖惻日逝誰與賞臨川憶古
事日孱千載想河伯自矜大海若沈渺莽

望孤石

江南多暖谷雜樹茂寒峯朱華抱白雪陽條熙
朔風蚌節流綺藻輝石亂煙虹泄雲去無極馳
波往不窮嘯歌清漏畢徘徊朝景終浮生會當

幾歡酌每盈衷

山行見孤桐

桐生藜石裏根孤地寒陰上倚崩岸勢下帶洞
阿溪奔泉冬激射霧雨夏霖霑未霜葉已肅不
風條自吟昏明積苦思晝夜叫哀禽棄妾望掩
淚逐臣對撫心雖以慰單危悲涼不可任幸願
見雕斲爲君堂上琴

詠雙燕二首

雙燕戲雲崖羽翰始差池出入南閨裏經過北

堂陞意欲巢君幕層楹不可窺沈吟芳歲晚徘徊韶景移悲歌辭舊愛銜淚覓新知可憐雲中燕旦去暮來歸自知羽翅弱不與鵠爭飛寄聲謝飛鵠往事子毛衣瑣心誠貧薄叵去節榮衰陰山饒苦霧危節多勁威豈但避霜雪當做野人機

酒後

晨節無兩淹年意不俱處自非羽酌歡何用慰愁旅

講易

雲澤翔羽姬橫蓋招益人貢園無金尚履道易書紳

可愛

風帷閃珠帶月幌垂霧羅魏粲縫秋裳趙豔習春歌

夜聽聲

辭鄉不覺遠歡寡憂自繁何用慰秋望清燭視夜翻

咏老

軟顏收紅藥。玄鬢生素華。冉冉逝將老。咄咄奈老何。

春咏

節運同可悲。莫若春光甚。和風未及燠。遺涼清且凜。

字謎三首

二形一體四支八頭四八一八飛泉仰流。井字
頭如刀尾如鉤。中央橫廣四角六抽。右面負兩

亦左邊雙屬牛。龜字

乾之一九隻立無偶。坤之二六宛然雙宿。土字

贈顧墨曹

昏明易遠離。會難揆雲轍。泉分西鱸東軌。

春月易衰難會難殊雲嬾泉今西謝東博

觀廟墨曹

薄女二小雙立無出狀之二六旅勝變家
亦古變變風半

聯句

在荊州與張使君李居士聯句

橋磴支吾轍篁路拂輕鞍三尹無喜色一適或
垂竿

與謝尚書莊三連句

霞輝今澗朗日靜今川澄風輕桃欲開露重蘭
未勝水光溢今松霧動山煙疊今石露凝掩映
晨物綵連綿夕羽興

月下登樓連句

鬚髯蘿月光
繽紛篁霧陰
樂來亂憂念
酒至歇

憂心鮑博士露入覺
牖高螢蜚測苑
深清氣澄永

夜流吹不可臨王延秀密峯集
浮碧疎瀾道瀛尋

嗽玉延幽性攀桂藉知音荀原之辰意事
淪晦良

歡戒勿禋昭景有遺駟
疏賈無畱金荀中書萬秋

鮑參軍集卷之五

宋東海鮑照明遠著

明閩漳張燮紹和輯

表疏

為柳令讓驃騎表

臣言伏承詔書加臣驃騎將軍餘如故顧循空

薄屢墜成命仰當天寵伏袍慙灼臣素陋人本

絕分望適野謝山川之志輟耕無鴻鵠之歎宦

希鄉部富期農牧夙當昌朝早值恩洽天綱紛

橫皇曆歸聖佐輪不殷良馬未汗功半下列爵
超上賞奮迹騰光參駕龍服翰起雲飛拂翼虹
路雖曩之脫駕拖紫弛擔丹轂方之微臣彼安
足齒齊此而歸懼塵王度況遂頻煩重彰濫越
伏願天德曲成資始令終雨露之惠自華及殞
特屈慈獎降申愚固則綢繆之施復踰造物不
勝感躍惶駭之情謹拜表以聞

謝秣陵令表

臣照言卽日被尚書召以臣爲秣陵令臣負錘
下農執羈末皂情有局塗志無遠立邁命逢天
得汗官牒不悟恩澤無窮謬當獎試用謝刀筆
猥承宰職豈是閭懦所能克任今便抵召違離
省闕係戀罔極不勝下情謹拜表以聞

解褐謝侍郎表

臣照言臣孤門賤生操無涸迹鶉棲草澤情不及官不悟天明廣矚騰滯援沉觀光幽節聞道朝年榮多身限思非終報

謝解禁止表

臣言被宣令解臣禁止天光鄭重不可勝逢飛走知感矧臣人類臣聞獲過于神或憑尸視以請得罪於君可因左右而謝臣自惟孤賤盜幸榮級闇澁大誼猖狂世禮奇非阮籍無保持之助才愧馮衍有鞮鞻之困自非聖朝超然覽臣於視聽之外則今日渥澤更成妄遭來辰萎葉終先朝草小人歲暮知能何報徒厚恩華憂懼歎息不任下情謹詣拜表以聞

...

...

...

...

...

...

皇孫誕育上表

兼郎中令侍郎臣照言伏承東儲積慶皇孫誕

育國啓昌期民迎福運臺禁稱祉并廬相賀伏

惟聖懷載深鴻念不任下情謹詣閣上表以聞

征比世子誕育上表

臣等言臣聞本枝無疆布諸前典衆多彌貴信之華封故德積則慶深業昌則祚廣伏承王子以中氣正月鍾靈納和誕躬紫閣膺祚朱紱弧矢夙陳珪璋攸覲雲光麗輝巖澤昭采嘉祥爰孚柔顏載晬凡在氓隸莫不忭悅臣霑恩踰物慶倍自中不勝殊歡溢喜謹奉表以聞

拜侍郎上疏

臣言臣比州衰淪身地孤賤衆善必違百行無一生丁昌運自比人曹操乏端槩業謝成迹徂年空徃瑣心靡述褫轡投簪於斯終志束菜負薪期與相畢安此定命忝彼公朝不悟乾羅廣收圓明兼覽雕瓠飾笙備雲和之品潢汗流藻克金鼎之實鍛羽曩鱗復見翻躍枯楊寒炭遂起烟華未識微躬猥能及此未知陋生何以爲報祇奉恩命憂愧增灼不勝感荷屏營之情謹

埋輪絕游息世宿福餘慶爰邁聖明煦蒸霜霰
萃甲雲露得從下走叨迹人行操勒負羈班榮
扈隸矜愚訓短哀有弗及奉此而歸足以沒齒
雖摩肌髮無報天德更冀營魂還能結草不勝
感戀之情謹詣闕拜疏奉辭以聞

轉常侍上疏

臣言卽日被中曹板轉臣爲左常侍臣自惟常
人觸事無可謬被拔擢實爲光榮臣旣無髣髴
上報殊絕之恩有分每豐其過前後輕重輒得
原恕獎以君子之方赦其不閑教訓大愆不責
矜澤必加是臣所以夙夜自念知遭遇之至深
至厚也未冀未望便荷今榮欣喜感悅不敢僞
讓庶保終始身命爲初不勝下情謹詣閣拜疏
謝以聞

魚密獎以甚于之丈然其不閑慈暗大慈不責
土瘠和餘之恩前分安豐其慈前發轉重轉野
人爾事無可爲然對舉貴滿大榮百物無不備
且言明日對中曹然轉且爲之常待百物無不備
轉當計土藺

謝隨恩被原疏

臣言卽日被曹宣命元統內外五刑以下浩澤
盪汰臣亦預焉得從漢律故謬之辨聞遭周典
肆眚之科大喜卒至非願所圖魚愕雞睨且悚
且慙臣誠下愚不達義方然君尊臣泰豈同犬
馬且常侍臣淵穆疏草卽臣所作助人爲恭猶
加敬憶自己率禮寧敢慢忘由臣倅賤可侮可
誣曾參殺人臣豈無過寢病幽栖無援朝列身
孤節卑易成論核幸大明臨下仁道毓物澤泊

翽走臣覃末慶然古人有言楊者易生之木也
一人植之十人拔之無生楊矣何則植之者難
拔之者易况臣一植之功不立衆拔之過屢至
同彼風霜異此貞脆書稱天秩有禮易載神福
在謙臣之謙禮理謝福秩仰銜俯媿行歎坐戚
卽欲顛沛拜恩下庭但臣病久柴羸不堪冒涉
小得趨馳星駕登路不勝荷佩之誠謹上疏以
聞

啓

論國制啓

臣啓臣聞尺之量錦工者裁之衰丈之木繩墨
在焉事無巨細非法不行當今世問政睦藩國
相望君舉必書動成准式息躬聖壤十有餘載
條制節文宜其備矣諸王列封動靜兼該而竊
見國之處事未盡善臣之暗蔽私心有惜伏見
彭城國舊制猶有數卷雖多殊革大綱可依愚
謂宜令掌固刊而撰之上著朝典藩邦之度下

揆國訓繁簡之誼傍酌州府寬猛之中章程久
具未爲恒制豈伊今美乃足貴之將來臣忝克
直員脫以啓聞煩而非要伏追慙悚謹啓

謝上除啓

臣言被宣賜臣上除臣伏事日淺蒙荷已豐且天
澤所及且喜且懼但臣自丁常樞來塗階級非
所敢冀今日榮願直爾不少冒乞停止上除伏
願重許干穢悚息

謝賜藥啓

臣衛躬不謹養命無術情淪五難妙謝九法颺
落先傷衰疴早及遐澤近臨猥委存卹癘同山嶽
蒙靈藥之賜惠非河間謬仙使之屈恩逾脯糗
惠重帷席荷對銜慙伏抱衿渥

謝永安令解禁止啓

臣田茅下第質非謝品志終四民希絕三仕邀
世逢辰謬及推擇恩成曲積榮秩兼過雖誓投
織生昊天罔極迄無犬馬孤慙星歲加以淪節
雪飈沉誠欵晦值天光燭幽神照廣察澡覺從
宥與物更稟遂晞曬陽春蒨汰秋水綴翼雲條
葺鮮決沼洗膽明目抃手太平重甄再造含氣
孰比不悟乾陶彌運復垂挺飾矯迹升等改觀
非服振纓珥筆聯承貴寵豈臣浮朽所可恭從

實非愚魯所宜循踐瑣族易灰腕漏已迫空荷
載燾終責仰復歛冰肅事懷火畢命不勝屏營
之情謹啓事以聞

通世子自解啓

僕以常桓無用於世遭逢謬幸被受恩榮誠願
論畢久宜捐落仁眷篤終復獲淹停感今惟昔
銜佩無已但自無堪尸素累載腹心之愧寤寐
爲憂今請解所職願蒙矜許自奉清塵于茲六
祀隆辰永往遺恩在心執紙哽咽言不自宣

重與世子啓

奉還誨深承殷勤篤眷之重披讀未終悲愧交集僕以常人所蒙隆厚久應知退非適今日銜恩戀德用缺進心今者之請必願鑒許且僕棲遲無事咫尺館第餐稟風微非旦則夕居職還私兩者無異而於僕無用有以自處豈非仁念始終之惠重致于日彌深慙感

請假啓

臣啓臣居家之治上漏下濕暑雨將降有懼崩壓比欲完葺私寡功力板鋪絢塗必須躬役冒欲請假三十日伏願天恩賜垂矜許于啓復追悚息謹啓

又

臣啓臣所患彌留病軀沉痾自近蒙歸頻更頓處日夜間困或數四委然一弊瞻景待化加以凶衰嬰邁慘悼終鮮兄弟仲由所哀臣實百罹

孤苦風雨天倫同氣實惟一妹存沒永訣不獲
計見封瘞泉壤臨送私懷感恨情痛兼深臣母
年老經離憂傷服食淡羸耗增疾心計焦迫
進退罔躡冒乞申假百日伏願天慈賜垂矜許
臣違福履身事屯悴歎息和景掩淚春風執啓
滂結伏追惶悚謹啓

奉始興王白紵舞曲啓

侍郎臣鮑照啓被教作白紵舞歌辭謹竭庸陋
裁爲四曲附啓上呈識方典悴思塗猥局言旣
舞雅聲未能文不足以宣贊聖旨抽拔妙實謹
遣簡餘慙隨悚盈謹啓

雲浦翁博觀刺盈藟

參謀贊未繪文不以宜

為四曲洲神土星

卦波司幽照

奉成與王

鮑參軍集卷之六

宋東海鮑照明遠著

明閩漳張燮紹和纂

書

登大雷岸與妹書

吾自發寒雨全行日少加秋潦浩汗山溪猥至
渡沂無邊險徑遊歷棧石星飯結荷水宿旅客
貧辛波路壯闊始以今日食時僅及大雷塗登
千里日踰十晨嚴霜慘節悲風斷肌去親為客

如何如何向因涉頓憑觀川陸遨神清渚流睇
方曠東顧五洲之隔西眺九派之分窺地門之
絕景望天際之孤雲長圖大念隱心者久矣南
則積山萬狀爭氣負高含霞飲景參差代雄凌
跨長隴前後相屬帶天有匝橫地無窮東則砥
原遠隰亡端靡際寒蓬夕卷古樹雲平旋風四
起思鳥羣歸靜聽無聞極視不見北則波池潛
演湖脈通連苧蒿攸積菰蘆所繁栖波之鳥水
化之蟲智吞愚彊捕小號噪驚聒紛乎其中西
則迴江永指長波天合洺洺何窮漫漫安竭創
古迄今舳艫相接思盡波濤悲滿潭壑煙歸八
表終爲野塵而是注集長寫不測修靈浩盪知
其何故哉西南望廬山又特驚異基壓江潮峯
與辰漢連接上常積雲霞雕錦綵若華夕曜巖
澤氣通傳明散綵赫似絳天左右青靄表裏紫
霄從嶺而上氣盡金光半山以下純爲黛色信
可以神居帝郊鎮控湘漢者也若深洞所積溪
壑所射鼓怒之所盪擊湧復之所宕滌則上窮

荻浦下至狶洲南薄鷺瓜北極雷澱削長埤短
可數百里其中騰波觸天高浪灌日吞吐百川
寫泄萬壑輕煙不流華鼎振洿弱草朱靡洪漣
隴感散渙長驚電透箭疾穹溘崩聚坻飛嶺覆
回沫冠山奔濤空谷礧石爲之摧碎碕岸爲之
墜落仰視大火俯聽波聲愁魄脅息心驚慄矣
至於繁化殊育詭質怪章則有江鷺海鴨魚鮫
水虎之類豚首象鼻芒鬚針尾之族石蟹土蚌
燕箕雀蛤之儔折甲曲牙逆鱗返舌之屬掩沙
漲被草渚浴雨排風吹滂弄翻夕景欲沉曉露
將合孤鶴寒嘯遊鴻遠吟樵蘇一歎舟子再泣
誠足悲憂不可說也風吹雷颺夜戒前路下弦
內外望達所屆寒暑難適汝專自慎夙夜戒護
勿我爲念恐欲知之聊書所覩臨塗草感辭意
不周

於今鴻羲以降遐哉邈乎鏤山嶽雕篆素昭德
 垂勲可謂多矣而史編唐堯之功載格于上下
 樂登文王之操稱於昭于天素旅玄玉聿彰符
 命朴牛文螭爰定祥曆魚鳥動色禾雉興讓皆
 物不盈皆而美溢金石詩人於是不作頌聲為
 之而寢庸非惑歟自我皇宋之承天命也仰符

頌

河清頌

有序

臣聞善談天者必徵像於人工言古者先考績
 於今鴻羲以降遐哉邈乎鏤山嶽雕篆素昭德
 垂勲可謂多矣而史編唐堯之功載格于上下
 樂登文王之操稱於昭于天素旅玄玉聿彰符
 命朴牛文螭爰定祥曆魚鳥動色禾雉興讓皆
 物不盈皆而美溢金石詩人於是不作頌聲為
 之而寢庸非惑歟自我皇宋之承天命也仰符

應龍之精俯協河龜之靈君圖帝寶粲爛瑰英
固以榮光曩代事華前德矣聖上天飛踐極迄
茲二十有四載道化周流玄澤汪濊地平天成
含生阜熙文同軌通表裏釐福曜德中區黎庶
知讓觀英遐外夷貊懷惠恤勤秩禮散露臺之
金舒國賑民傾鉅橋之粟約違迫脅奢去泰甚
讎無留飲畋不盤樂物色異人優游鯁直顯靡
失心幽無怨魄精炤日月事洞天情故不勞仗
斧之臣號令不嚴而自肅無辱鳳舉之使靈恠
不召而自彰萬里神行飈塵不起農商野廬邊
城偃拆冀馬南金填委內府馴象西醫充羅外
囿阿統纂組之饒衣覆宗國魚鹽杞梓之利傍
瞻荒遐士民殷富繁軼五陵宮宇宏麗崇冠三
川閭閻有盈歌吹無絕朱輪疊轍華冕重肩豈
徒世無窮人民獲休息朝呼韓罷酷鐵而已哉
是以嘉祥累仍福應尤盛青丘之狐丹穴之鳥
栖阿閣遊禁園金芝九莖木禾六秀銅池發膏
畝腴宜以謁薦郊廟和協律呂烟霏霧集不可

勝紀然而聖上猶昧且夙興若有望而未至宏
規遠圖如有追而莫及神明之貺推而弗居也
是以琬碑鏐檢盛典蕪而不治朝神省方大化
抑而未許崇文協律之士蘊儻頌於外坐朝陪
宴之臣懷揄揚於內三靈佇睠九壤注心旣有
日矣歲宮乾維月遘蒼陸長河星濟異源同清
澄波萬壑潔瀾千里斯誠曠世偉觀昭啓皇明
者也語曰影從表瑞從德此其效焉宣尼稱鳳
鳥不至河不出圖傳曰俟河之清人壽幾何皆
傷不可見者也然則古人所未見者今殫見之
矣孟軻曰千載一聖是旦暮也豈不信哉夫四
皇六帝樹聲長世大寶也澤浸羣生國富刑清
鴻德也制禮裁樂悖風遷俗文教也殊華逋羯
束頽絳闕武功也鳴禽躍魚滌穢河渠至祥也
大寶鴻德文教武功其崇如此幽明協贊民祇
與能厥應如彼唯天爲大堯實則之皇哉唐哉
疇與爲讓抑又聞之勢之所覃者淺則美之所
傳者近道之所感者深則慶之所流者遠是以

豐功韙命潤色滕策盛德形容藻被歌頌察之
上代則奚斯吉甫之徒鳴玉鑿於前視之中古
則相如王褒之屬馳金羈於後絕景揚光清埃
繼路故班固稱漢成之世奏御者千有餘篇文
章之盛與三代同風由是言之斯廼臣子舊職
國家通議不可輟也臣雖不敏敢不勉乎乃作
頌曰

窺刊崩石楛逸殘竹巢風寂寥羲埃綿邈鉅生
大年瞻學淵聞肇繡成景粉績頌軒徒翫井科
未觀天河亘古通今明鮮晦多千齡一見書史
登歌旋我皇駕授景方塗凌周躡殷蹶唐轢虞
如彼七緯累璧重珠高祖撥亂首物定靈更開
天地再鑄羣生帝御三傑龍步八埏朝南暨教
海北騰聲淪深格高浹遐洞冥龜鼎遷宋玄圭
告成大明方微鴻光中微聖命誰堪皇曆攸歸
謀從筮協神與民推黃旗西映紫蓋東輝納瑞
螭玉升政衡機金輪約飾珠冕龍衣正位北辰
垂拱南面天下何思日用罔倦復禮歸仁觀恒

通變一物有違戚言毀膳非躬簡法厚下安宅
謙德彌光損道滋益孝崇饗祀勤隆耕籍饘耐
秋羊封堽春幣嬰耄兼梁鰥孤重帛體由學染
俗以教遷禮導刑清樂鬯風宣分衢讓齒折訟
推田野旌伏彥朝賞登賢儒訓優柔武節焱鷲
文憲精弘戎容犀利樞鈐明審程護周備吏礪
平端民羞幸覩桴鼓凝埃烽驛垂轡銷我長劍
歸爲農器閩外水鄉郵表炎國隴首西南渤尾
東北施施嶺丹渾渾泉黑移琛雲勉轉集印焚
狼歌薦功鳥譚陳德治博化光民阜財盛斑白
行謠清綺高詠雲表幽和物章明慶麗植雕質
蠢行藻性仁草晨苧德宿宵映海無隱颺山有
黃落牛羊內首閭戶外拓瑞木朋生祥禽輩作
薰風蕩閨飴露流閣器範神妙劑調象藥匪直
也斯偉慶方溱注彼四瀆媚此雙川伏靈遙紀
閔既遐年澄波海嶽鏡流蒸山泉室凝澱水府
清涓俛瞰夷都降眡驪淵朱宮潛耀紫閣陰鮮
昔在爽德王風不昌迺溢迺竭或壅或亡潔源

濫壑曾是未央先民永慨大道悠長云何其瑞
實鍾我皇聞諸師說天竦聽密介焉如響匪遠
惟疾矧是皇心妙夫貞一左右天經戶牖人術
訐暮布簡絲言盈室穢有綿祀清豈崇日一人
之慶吹萬稟和靈根方固修源重波副睿貳哲
帝體皇柯景雲蔚嶽秀星駢羅垂光九野騰響
四遐輔車鼎足槃石虎牙世匹周室基永漢家
泰階旣平洪河旣清大人在上區宇文明樵夫
議道漁父濯纓臣照作頌鋪德樹聲

佛影頌

形生麗怪神照潭寂驗幽以明考心者迹六塵
煩苦五道綿劇乃炳舟梁爰悟淪溺色丹貌續
留相瓊石金光絕見玉毫遺覲俾昏作朗効順
去逆

去並

留跡變可金光錄具王寧遠廣平魯平廣故耶
與苦正並錄國代兩世榮安以公為公并錄
沂生強對斬然戰錄劍國以能公公公公公
洲邊賦

銘

凌煙樓銘 有序

臣聞憑飈薦響唱微効長垂波鑒景功少致深
是以冰臺築乎魏邑鳳閣起於漢京皆所以贊
生通志感悅幽情者也伏見所製凌煙樓棲置
崇迥延瞰平寂卽秀神皋因基地勢東臨吳甸
西眺楚關奔江永寫鱗嶺相葺重樹窮天通原
盡日悲積陳古賞絕舊年誠可以暉曠高明藻
澈遠心矣夫識緣感傾事待言彰匪言匪述綿

世罔傳敢作銘曰

巖巖崇樓藐藐層隅階基天削戶牖雲區瞰江
列楹望景延除積清風路合綵煙塗俯窺淮海
俛眺荆吳我王結駕藻思神居宜此萬春修靈
所扶

石帆銘

應風剖流息石橫波下漉地軸上獵星羅吐湘
引漢歛蠡吞沱西歷岷冢北瀉淮河眇森弘藹
積廣連深淪天測際亘海窮陰雲旌未起風柯
不吟崩濤山墜鬱浪雷沉在昔鴻荒刊啓源陸
表裏民邦經緯鳥服瞻貞視晦坎水巽木乃剡
乃鏟旣剗旣斲飛深浮遠巢潭館谷涉川之利
謂易則難臨淵之戒曰危乃安泊潛輕濟冥表
勤言穆戎遂留昭御不還徒悲猿鶴空駕滄煙

魚... 卷之...
君子彼想祗心載惕林簡松枯水採龍鶴覘氣
涉潮投祭沈璧揆檢合圖命辰定歷二嶠虎口
周王夙趨九祈羊賜漢臣電驅潛鱗浮翼爭景
乘虛衡石頽籥帝子察殂青山斷河后父沉軀
川吏掌津敢告訪途

飛白書勢銘

秋毫精勁霜素凝鮮霑此瑤波染彼松煙超工
八法盡奇六文鳥企龍躍珠解泉分輕如游霧
重似崩雲絕鋒劍摧驚勢箭飛差池鷺起振迅
鴻歸啼危制節中險騰機圭角星芒明麗爛逸
絲縈髮垂平理端密盈尺錦兩片字金溢故仙
芝頰翦旣匪足雙蟲虎瑣碎又安能匹君子品
之是晁神筆

藥奩銘

歲實走丸生馱墮墻時無驟得年有遐方水玉
出煙靈飛生光龜文電衣龍綵雲裳九芝八石
延正盪斜二脂六體振衰返華毛姬餌葉鳳子
藏花景絕翠虬氣隱頰霞深神罕別妙奇不揚
或繁虎杖或亂蛇牀故不世不可以服未達不
可以嘗眩睛逆目是乃爲良

文

辰步山楬文

歲舍龍紀月巡鳥張鮑子辭吳客楚指究歸揚
道出關津升高問途北眺氈鄉南矚炎國分風
代川揆氣閩澤肆睨天宮窮曜星絡東窺海門
候景落日遊精八表駛視四遐超然永念意類
交橫信哉古人有數寸之籥持千鈞之關非有
其才施處勢要也辰步山者亦江中眇小山也
徒以因迥爲高據絕作雄而凌清瞰遠擅奇含

魚...集 卷六
秀是亦居勢使之然也故才之多少不如勢之
多少遠矣仰望穹垂俯視地域涕洟江河瘧贅
丘嶽雖奮風漂石驚電剖山地綸維陷川闔毀
宮毫盈髮虛曾未注言况乎沉河浮海之高遺
金堆壁之奇四遷八聘之策三黜五逐之疵販
交買名之薄吮癰舐痔之卑安足議其是非

附錄

鮑照傳畧

沈約

鮑照字明遠文辭贍逸嘗為古樂府文甚適麗
元嘉中河濟俱清當時以為美瑞照為河清頌
其序甚工世祖以照為中書舍人上好為文章
自謂物莫能及照悟其旨為文多鄙言累句當
時咸謂照才盡實不然也臨海王子項為荊州
照為前軍參軍掌書記之任子項敗為亂兵所
殺

鮑照傳畧

李延壽

鮑照字明遠東海人文辭瞻逸嘗爲古樂府文甚適麗元嘉中河濟俱清當時以爲美瑞照爲河清頌其敘甚工照始嘗謁義慶未見知欲貢詩言志人止之曰郎位尙卑不可輕忤大王照勃然曰千載上有英才異士沉沒而不聞者安可數哉大丈夫豈可遂蘊智能使蘭艾不辨終日碌碌與燕雀相隨乎於是奏詩義慶奇之賜帛二十匹尋擢爲國侍郎甚見知賞遷秣陵令

文帝以爲中書舍人上好文章自謂人莫能及
照悟其旨爲文章多鄙言累句咸謂照才盡實
不然也臨海王子頊爲荊州照爲前軍參軍掌
書記之任子頊敗爲亂兵所殺

遺事

鮑昭答孝武云臣妹才自亞於左芬臣才不及

太冲

詩品

顏延之問鮑照已與靈運優劣照曰謝如初出
芙蓉自然可愛君如鋪錦列繡亦雕績滿眼

笑容自然可愛詩收澹於所澹亦韻靈蕭雅

蕭瑟之間醜黑日與靈靈對後黑日濤收作出

太中

精品

醜即答季五云日救木自亞欲去巷里木不及

叢專

集評

次則發唱驚挺操調險急雕藻淫豔傾炫心覲

亦猶五色之有紅紫八音之有鄭衛斯鮑照之

遺烈也

南齊書文
學傳論

宋參軍鮑昭詩其源出於二張善製形狀寫物

之詞得景陽之諛詭含茂先之靡嫚骨節強於

謝混驅邁疾於顏延總四家而擅美跨兩代而

孤出嗟其才秀人微故取湮當代然貴尚巧似

不避危仄頗傷清雅之調故言險俗者多以附

昭詩品

鮑照之作如珊瑚琅玕木難火齊弗資鏤琢而

自足偉觀

竹林詩評

愁思忽而至跨馬出北門舉頭四顧望但見松

柏荆棘鬱躑躑中有一鳥名杜鵑言是古時蜀

帝魂聲聲哀苦鳴不息羽毛憔悴似人髡飛走

樹間逐蟲蟻豈憶往日天子尊念此死生變化

非常理中心惻愴不能言此鮑明遠詩也與子

美杜鵑行語意極相類大抵古今興比所在適

有感發者不必盡相迴避要各有所主耳此說

詩者不以辭害義之意也

蔡寬夫詩話

明遠行路難壯麗豪放若決江河詩中不可比

擬大似賈誼過秦論

許彥周詩話

鮑明遠才健其詩乃選之變體李太白專學之

如腰鎌刈葵藿倚杖牧雞豚分明說出箇倔強

不肯甘心之意如疾風衝塞起沙礫自飄揚馬

毛縮如蝟角弓不可張分明說出邊塞之狀語

又俊健


朱文公

宋人康樂外明遠信爲絕出上挽曹劉之逸步
下開李杜之先鞭 詩藪

梅花遠體遠神妙在情而不在事知此可讀鮑

參軍梅詩

詩歸



卷之四